



21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44

5130  
854-1



印-



金石萃編卷五十六

賜進士出身 誥授光祿大夫刑部右侍郎加七級王昶撰

唐十六

于志寧碑

碑高九尺七寸五分廣四尺四寸二分四十五行行  
九十五字正書額題大唐故柱國燕國公子君之碑

十二字篆書在三原  
縣北五十里三家店

上出闕其闕金闕下避難闕慶靈闕英賢闕南闕川闕下亦

闕下傳太宗□□三□□□公贈□□□恒等□州諸□

□□□□□□□□□□績茂□□功□□□

跨□□之十亂邁炎靈之三傑祖義隨上柱國瓜□□

□四州刺史□□□□□公□□□□□□  
□□□□□□重簪纓器名瑚璉位登上列政洽藩  
維父宣道隨車騎將軍上□□□□□□□□□□  
□□□□□□開國□□□□孫殫身浴德旣揮翰於鳳  
沼亦拊翼於龍樓□□□□□□□□□□光□□□□  
□□□□□□□□□沙五州諸軍事□州刺史□日  
□漢□欽無忌之□□□重中郎之德以今望古何以  
□□□□章□□□德降生稟□□□□□□英靈於  
嶽瀆亦猶嵩華峻極杞梓之所□叢疏闔仙宮瓌產於  
焉孕育□□□□□□□□□□□□□□□□□□□□

□媿其□□□□□其該博延□曲臺之□金□玉簡  
之書冊府□□石渠□要莫□□□□□探蹟鈎深辯  
漢陵之竹簡識楚江之萍實同陳室之未掃若董園之  
不規韞廊廟之宏材懷佐□之□略□□而□梁□□  
□□□□□□□□□□□□□重之曰斯□隨仁壽之  
末調爲□□挽郎□拜朝請郎□班例□□而隨德不  
競政紊朝昏公藏器待時逍遙文史□以偃仰貽誚方  
就末班大業十年拜清河縣長爰屈上才□□下□所  
□□□□□□□□□□□□□□□□□□□□□□  
□□□□□宅心拯滄海之橫流撲岷峯之烈火□□□

口覺口乃時口口弃彼離心叶茲同德若公孫之歸漢  
似文若之違袁 口口口口口口賜以乘馬卽拜

銀青光祿大夫 太宗文皇帝口口口口口口口口

口口口率口旅口口口中莫府初開俊賢翹首辟書旣

下以公爲渭北道口軍敦煌口口口口口口口口口口

口口口口口口口口軍口口口羽口口口公運比口口口

口口算口口口之足樂異孔璋之口富豈唯叅預帷幄

抑亦儀表人倫義口口年代平口師勲加授左光祿

太宗進封趙公府寮亦並隨改及遷口仕夏朝政惟

新 太宗胙土八川分封百二公復策名口府仍司

管記口口口口口口大口口討口口口口口口口口崇勲

行賞口授上柱國武德元年九月拜秦王口曳裾碣館

躡履平臺邁口輔之口口繼祖仁之徽烈薛舉因隨末

密亂命儔嘯侶竊據汧隴毒害黎元 聖朝愍慈塗炭

龔行天罰乃 詔太宗爲口討行軍元帥公復以口口

口口口口口口口口皇基草創口夏未賓 口口口

分陝口征以口口口口口口大行臺摠維衆務公以本任

兼度支郎中尋檢校行臺左丞并知膳部郎中事復奉

勅爲華州團副使仍授騎官軍副公厲兵秣馬明賞

慎罰口口口口口口口口口口口口口口口口口口口

薛舉破劉闢擒□□拒□  
賊等勳封黎陽縣開國子邑三百戶并資□及馬又  
以劉□重擾河北命公爲河南道支度軍糧使明年又  
從 太宗討楊幹於涇州拒匈奴於北地奉 教判  
天策府從事中郎尋進爵爲伯邑五百戶前後賞物七  
百段及乎□□□□□□□□□□□□□□□□□□□□  
之□□□衛尉少卿進爵爲侯邑七百戶貞觀元年拜  
御史府長史高視首席匡贊□藩無勞露居之請自諧  
匡正之寄三年□中書侍郎密□□□□□□□□□□同范  
竊之宏益□□若孔演之多識□意尋□□部侍郎□

□□□右庶子加散騎常侍以□□宮多所□益賜

黃□一斤賜絹百匹 太子□□□侍春坊多□□歲

既□宏益宜加優賞七年檢校□州刺史尋□調護寄

□□舉□□□□綸□□□□部十年進爵爲公邑

一千戶□□□ 太宗墨勅荅曰忽省來表讜言周

備若非至誠於國誰能披露□心如斯情常然傳□□

釣何以過也卿□□□□無□□□□□□□□□□

□□□□□□□□□□禮□□□□□□□□□□

□□未及拜制卽詔授本職公□□陳情 勅令中

書侍郎岑文本就家喻旨云忠孝不並我兒須人輔弼

卿宜抑割豈可徇以私情公固陳哀苦竟被奪情以公  
 □□□札合□□□公□□□□□□□奉勅既  
 而□氏失德昵□姦□□□□歸竭誠已□□□□  
 □□□以進□規遂漸相疎斥潛謀毒害厚賂凶人密  
 相要劫賴公積善卒免路隅及豐各彰聞遂至廢黜春  
 宮官屬皆羅□譴以公□□□□□□□及□華  
 □□□求□□□□公□在帝心復拜左庶子加銀  
 青光祿於□□□□翼鶴□飛□邁□□之清塵跨應  
 徐之勝跡十八年拜金紫光祿大夫行衛尉卿判太常  
 卿事五禮任隆八屯寄重兼而歸我僉論無違又以本

□□□□列□廿一年遷禮部尚書八□清華五曹樞  
 要官□北斗名重南宮竭訂謀以佐時宏損益□□□  
 □厲□其明允□□稱其博聞廿三季以本官兼太子  
 左庶子因謙上謂之曰以卿恭厚長直為朝廷所知  
 在府日其令田一種故重□□職尊奉□□遷□侍  
 □今□上□廬憂勞億兆公勵誠□節□往□□庶績  
 咸□彝倫攸敘永徽元年加授光祿大夫進□燕國公  
 邑三千戶大開茅社廣列山河榮命既隆朝望斯重  
 二年八月拜尚書左僕射□本□□端□望重自非□  
 □□緯□經□安□□□□□□□□□□□□□□□□



各令京官五品檢校將送并給靈輿車乘言旋京宅追  
贈使持節都督幽易媯檀平燕六州諸軍事幽州刺史  
□□□□□□□□□□石□以□封元年歲次景寅  
十一月癸亥朔□二□甲申葬於雍州三原縣萬壽鄉  
清池里奉常考行謚曰定公禮也惟公局量宏遠識度  
淹通空谷無私虛舟不忤雖復孔牆數刃無以測其高  
深黃陂萬頃不足方其涯淡□喜愠於□色絕□□於  
胷衿□□□□終如始加以□悅墳典崇尚□□備  
百行而無擇耻一□□□緣情極綺靡之能體物窮  
瀏亮之趣雕龍謝其輝煥吐鳳慙其符彩所著文集勒

成七十卷兼復情敦孝悌愛結州親因心竭□義之□  
□□□□□□□□□□亦□依仁旣隔宅以恤孤  
亦指困以周給及乎殫冠策仕釋褐登□屬隨鼎之已  
□逢區寓之□裂公乃□□下邑屏跡丘園避亂政之  
昏凶俟 真人而□用 太宗□居上□□□□  
□□□□□□□□□□夙陪鳳邨 君王分庭待士築館欽  
賢邁稷下之清風軼平臺之勝軌鄒枚慕義樂劇來賓  
□□□□八□公□□□貞觀之後名位斯隆□□已  
來□任尤重丹青帝載粉黛王猷□務□亨□□□允  
加以□□□□□□□□□□□□□□不可□□□□在



金石錄卷五十一  
□□□□□□重□居心數服馬而方對旣而監修  
國史實錄□五代史等才兼□□□□□尋卽□□  
□諸祕□□□賜物二百段再加封□□□□□監撰  
新禮顏文□定□□□□五經正義復蒙厚錫 車駕  
□有行幸卽令公於宮城居守□留臺事正□朝賀□  
羽儀車服焉又於東西十二京萬年宮各□田宅其內□  
□□寶器服物等前後 一□賜不可勝載委任恩遇莫  
之與京及易簣之辰遺命薄葬盟器下帳一□□□□  
載以柳車飾之以素其子□奉不敢違越斯實人倫之  
師表朝廷之羽儀者歟夫人宏農劉氏曾祖延魏太子

中庶子散騎常侍周□持節左光祿大夫都□驃騎大  
將軍□□□□□□□□□□宮□隨使持節□州  
刺史梁靈二州總管洛陽□公偉之孫隨左千牛建節  
尉卅武之長女也珪璋比質蘭菊齊芳嬪則聿修母儀  
式序從夫有秩拜宏農夫人燕國夫人積善□徵□□  
□夜昔歡□□之榮今悲□□之禮□□尙□□部郎  
中國子司業太子率更令使持節渠號二州刺史□□  
□卿上護軍立政育至性善居喪感風樹而增哀攀橋  
枝而殞慟但佳城之下滕公有見日之期萬山之巔元  
凱懷沉江之慮敢因斯義敬託雕鐫金紫□祿大夫大

金石錄卷五十一  
司□□□□□□監修國史護軍彭陽公敦煌□□□  
棊藉□楊之舊睦投□□□分爰自青襟便申莫逆  
契闊談宴逝將六紀分財謀事子實我知諒直多聞余  
蒙其益豈謂後事之託竟屬元常先逝之悲遂□公達  
絕□之歎已矣如何乃爲銘曰

流分若水祚始周原決曹仁恕延尉平反邁種弗已靈  
慶斯繁望隆華轂譽重高門金行失御王事靡盬言違  
苛政適茲樂土運屬興王位隆合輔□□□□□□  
組堂堂□□是□宗臣寄深□□□署經綸剛公體道  
都督依仁化□□□名高摛紳英靈允集降生王佐碩  
量夙成芳猷遠播言無可擇行無貳過牆刃罕窺唱高  
竄和資忠於孝釋褐登朝以茲上德爰膚下寮鶴志斯  
遠驥足方超運□舟覆時逢道銷□人鬱□□□□  
□從□文房叅陪戎律代藩曳履梁園珥筆雅說解頤  
清文□疾□下武鷹運赫赫明明首席藩邸貳職春卿  
鳳沼揮翰龍樓振纓忠勤表節諒直馳名旣莅宮端復  
臨政本職惟叅乘寄深補衮德重禮□道光儲□在□  
思□□□□損吉凶□域苦泰□依□簪朝列□冕王  
畿牙施寬猛□舉□□貪殘屏迹惇獨知歸遐壽未窮  
逝川遽闊易簣遺試旣明且哲□□□重芻靈靡設善



碑文剝落未知誰氏撰書亦不知何年所建但薨於  
麟德二年十月而葬以乾封元年丙寅歲十一月也  
癸卯夏予既得盡讀三原諸石碑縣志以此碑爲于  
立政碑予竊惑之碑雖剝蝕數語可辨因考之唐書  
復與友人申崑馳謁墓下搨其碑額曰大唐故柱國  
燕國公于公之碑了然無疑矣蓋吏部郎中立政爲  
君之子而東海公辨機黃隋刺史大猷又立政之子  
君墓與碑俱無恙尙有四石獸存若辨機大猷二君  
碑存而墓爲田矣縣志旣不載燕公又不知立政墓  
所在乙巳歲修秦誌董其事者爲河濱李楷叔則先

生余錄燕君墓碑始末乞改訂誌書叔則先生攘袂  
稱善以爲有功古人踰年余抵澶州叔則先生報書  
珍重云已改正乃今觀秦誌仍踵前訛何也如杜萊  
公如晦墓在昭陵亦復載於城南司馬村段太尉秀  
實墓在臨潼縣灞岸斜口鎮而復載于汧陽縣郡邑  
乘不足信如此類甚多也 又石墨鐫華云趙明誠  
有定公曾孫默成碑默成爲沛令早卒以子休烈顯  
肅代朝亦得立碑默成不知爲辨機爲大猷之子此  
碑亦在三原則休烈至定公正爲五世又按碑燕公  
祖謹周太師謚曰綱父宣道周大將軍謚曰獻定公

七世於此可考史既多逸縣誌又已不傳賢人君子  
論定公之後猶有升沈顯晦之數寓焉可慨也夫公  
高陵人今邑中尙有子姓讀書出仕者來齋金石  
刻考略

碑下半磨泐存字二千金石文字記云合狐德芬撰  
子立政書乾封元年十一月今碑中皆漫漶不可識

雍州金  
石記

右燕公子志寧碑碑稱所著文集勒成七十卷而舊

唐書本傳云有集二十卷經籍志又云志寧集四十

卷皆誤也新史藝文志  
與舊志同志寧罷相後嘗為岐州刺史

此新舊書本傳所失載而趙氏金石錄亦未之舉故

為表而出之潛研堂金  
石文跋尾

按碑文四千餘字存者約二千七百餘字蓋可讀

者尙多也惟首三行漫滅過甚里貫無攷而其敘

先世自祖已前不可知矣碑稱祖義父宣道以隋

書于義傳考之則義之父謹是志寧之曾祖也兩

唐書志寧傳亦未曾祖謹父宣道而不書其祖義

今歷稽諸史詳其官闕考其同異周書于謹傳謹

字思敬河南洛陽人也兩唐書志寧傳俱作高陵

人宰相世系表云于氏出自姬姓邗叔子孫以國

為氏其後去邑為于氏自東海郟縣隨拓跋鄰徙

金石錄卷五十六  
代改爲萬紐于氏後魏孝文時復爲于氏傳至謹  
從西魏孝武帝入關遂爲京兆長安人不云其居  
河南洛陽也高陵與長安同屬京兆志寧先世徙  
代自當世居京兆而周隋史傳皆以爲洛陽則自  
謹從西魏孝武入關始也及唐書爲志寧作傳仍  
書其舊貫耳周書于謹傳謹仕周閔帝時遷太傅  
封燕國公天和二年薨贈太師雍州刺史謚曰文  
謹子義隋書傳義字慈恭仕周閔帝時安武太守  
封建平郡公明帝武帝時歷西兗瓜郃三州刺史  
隋高祖朝爲潼州總管超拜上柱國卒贈豫州刺

史謚曰剛据碑則云瓜□□□四州刺史與傳不  
同義有二子長宣道字元明周時賜爵成安縣男  
隋高祖踐阼遷內史舍人進爵爲子累遷太子左  
衛副率進位上儀同唐書宰相世系表作威安獻  
公威安或是成安之訛獻公之謚則隋傳所無也  
碑述宣道不詳周爵而稱隨爲車騎將軍下文闕  
泐有云旣揮翰于鳳沼亦拊翼于龍樓則是內史  
舍人之語也義次子宣敏字仲達仕隋高祖朝拜  
奉車都尉卒年二十九無子以宣道子爲後卽志  
寧也碑仍稱宣道爲父而宣道之後似當敘及宣

敏然文已不完此下乃述志寧之事云隨仁壽之  
末調爲口口挽郎拜朝請郎大業十年拜清河縣  
長下有缺泐兩唐書皆云大業末調冠氏長山東  
盜起棄官歸冠氏縣屬豫州武陽郡清河縣屬充  
州清河郡殆清河調冠氏碑泐不詳而史則但書  
其一耳碑云若公孫之歸漢似文若之違袁賜以  
乘馬卽拜銀青光祿大夫太宗文皇莫府初開俊  
賢翹首以公爲渭北道口軍敦煌闕此皆高祖起  
義晉陽之事莫府卽幕府借用字舊書傳云高祖  
將入關率羣從於長春宮迎接太宗爲渭北道行

軍元帥召補記室授銀青光祿大夫碑云義口口  
年代平口師勲加授左光祿太宗進封趙公府寮  
亦並隨改太宗本紀義寧元年薛舉攻扶風太宗  
擊敗之略地至隴右二年爲右元帥徙封趙國公  
碑云崇勲行賞授上柱國武德元年九月拜秦王  
府口太宗紀武德元年進封秦王碑云薛舉竊據  
汧隴乃詔太宗爲口討行軍元帥闕大行臺公以  
本任兼度支郎中尋檢校行臺左丞并知膳部郎  
中事後爲華州團割使仍授騎官軍副太宗紀薛  
舉寇涇州太宗爲西討元帥舉死其子仁杲出降

拜右武侯大將軍太尉使持節陝東道大行臺團  
割使唐百官志無此官恐是唐官暫置非定制也  
碑云薛舉破劉闥擒封黎陽縣開國子邑三百戶  
又以劉口重擾河北命公爲河南道支度軍糧使  
明年又從太宗討楊幹于涇州拒匈奴于北地判  
天策府從事中郎進爵爲伯邑五百戶下衛尉少  
卿進爵爲侯邑七百戶貞觀元年拜御史府長史  
劉闥者卽劉黑闥也唐碑書人名或單舉或雙舉  
各隨所宜太宗紀武德四年太宗加號天策上將  
領司徒陝東道大行臺五年劉黑闥旣降已而復

反七年突厥寇邊太宗與遇于幽州與可汗盟而  
去舊書傳云太宗爲秦王天策上將志寧累授天  
策府從事中郎兼文學館學士碑云三年口中書  
侍郎尋口中部侍郎下右庶子加散騎常侍以口  
口宮多所口益賜黃口一斤賜絹一百匹太子口  
口口侍春坊多口口歲旣口宏益宜加優賞七年  
檢校口州刺史下十年進爵爲公邑一千戶舊傳  
云貞觀三年累遷中書侍郎太宗命貴臣內殿宴  
怪不見志寧或奏曰勅召三品已上志寧非三品  
所以不來太宗特令預宴卽加授散騎常侍行太



金石錄卷五十一  
子左庶子累封黎陽縣公左庶子據碑作右庶子  
傳誤也傳又載太宗謂志寧曰皇子幼少卿當輔  
之以正道志寧以承乾數虧禮度志在匡救撰諫  
苑二十卷諷之太宗賜黃金十斤絹三百匹此亦  
與碑異又諫苑二十卷舊書經籍志作三十卷志  
與傳互異此書碑從略新書傳無卷數藝文志則  
不載碑云未及拜制卽詔授本職公口口陳情勅  
令中書侍郎岑文本就家喻旨竟被奪情舊傳云  
十四年兼太子詹事明年以母憂解尋起復本官  
屢表請終喪禮太宗遣中書侍郎岑文本就宅敦

諭之遂起就職碑云旣而口口失德昵口口對口竭  
誠已口以進口規遂漸相疎斥潛謀毒害厚賂凶  
人密相要劫賴公積善幸免路隅舊傳云皇太子  
承乾所爲多不法志寧三上書諫承乾大怒陰遣  
刺客張師政紇干承基就殺之二人潛入其第見  
志寧寢處苦廬竟不忍而止碑云及豐咎彰聞遂  
至廢黜春宮官屬皆羅口口譴公復拜左庶子加銀  
青光祿太宗紀十七年四月廢皇太子爲庶人立  
晉王治爲皇太子舊傳云承乾敗後推鞠具知其  
事太宗謂志寧曰知公數有規諫事無所隱深加

勉勞右庶子合狐德棻等以無諫書皆從貶責及高宗爲皇太子復授志寧太子左庶子碑云十八年拜金紫光祿大夫行衛尉卿判太常卿事廿一年遷禮部尙書廿三年以本官兼太子左庶子此所歷官傳俱從略而云未幾遷侍中碑則未見碑云今上口麤永徽元年加授光祿大夫進口燕國公邑三千戶二年八月拜尙書左僕射復以本官兼太子少師尋而肇建中宮以公兼司徒持節口命副君初臨甲館重道尊賢公參贊百揆陪侍兩宮俄進位太子太傅舊傳云永徽元年加光祿大

夫進封燕國公二年監修國史拜尙書左僕射同中書門下三品以本官兼太子少師顯慶元年遷太子太傅碑云公頻表口奏請收止足皇上弗許乃令中書令來濟宣旨喻懷及鑾駕東巡留公居守駕還之後屢更陳聞自此踰年方蒙恩許乃高謝左執遷太子太師同中書門下舊傳云四年表請致仕聽解尙書左僕射拜太子太師仍同中書門下三品按鑾駕東巡指幸洛之事高宗紀顯慶二年閏正月如洛陽宮三年二月車駕旋京碑詳記之而傳從略碑云上闕棗州刺史公待罪鞠躬俄

有恩詔遷岐州刺史考績除華州屢辭老病詔許  
懸車仍降殊恩聽朝朔望將欲參奉華蓋陪侍登  
封行至于洛以麟德二年十月廿日薨于東都安  
衆里之第高宗紀麟德二年十月戊午皇后請封  
禪司禮太常伯劉祥道上疏請封禪十一月庚寅  
華州刺史燕國公于志寧卒請封禪卽碑所稱將  
欲陪侍登封也至以志寧卒爲十一月庚寅則與  
碑之作十月廿者異也舊傳云高宗將廢王庶人  
長孫無忌褚遂良執正不從而李勣許敬宗密申  
勸請及許敬宗推鞫長孫無忌詔獄因誣志寧黨

附無忌坐是免職降榮州刺史麟德元年累轉華  
州刺史致仕許之二年卒于家碑有遷岐州刺史  
之語傳從略也碑云皇情口悼喪葬所須合京官  
五品檢校將送給靈輦車乘言旋京宅贈使持節  
都督幽易媯檀平燕六州諸軍事幽州刺史以口  
封元年歲次景寅十一月癸亥朔口二口甲申葬  
于雍州三原縣萬壽鄉清池里謚曰定公傳則但  
云贈幽州刺史謚曰定而日丙寅爲乾封元年十  
一月癸亥朔則甲申爲廿二日也志寧卒于東都  
傳稱卒于家則洛陽之故居無恙也返葬于三原

則仍歸京兆故籍矣碑云著文集勒成七十卷監  
修國史實錄口五代史等監撰新禮五經正義俱  
蒙厚錫易簣之辰遺令薄葬盟器下帳一口口口  
舊傳云前後預換格式律令五經義疏及修禮修  
史等有集二十卷新傳云志寧與司空李勣修定  
本草并圖合五十四篇兩傳與碑互有詳略異同  
如此碑所稱五代史是指唐以前之五代但未分  
晰爲何代据新書令狐德棻傳析之曰隋梁齊陳  
周五家史當立即此五代也然不見有志寧撰次  
之名稽之新書藝文志亦惟隋書八十五卷志十

三卷有志寧同撰之名餘皆無考也又大唐儀禮  
一百卷又永徽律十二卷式十四卷式本四卷令  
三十卷散頒天下格七卷留本司行格十八卷律  
疏十三卷並有志寧同撰名又志寧集四十卷兩  
唐書同餘俱不著志寧名盟器卽明器儀禮旣夕  
陳明器于乘車之西注明器藏器也新唐書羅紹  
威傳紹威子全忠靖也會女卒使馬嗣勳來助葬  
選長直千人納盟器實甲以入此爲明盟通用之  
證碑云夫人宏農劉氏曾祖延魏太子中庶子云  
云隨使持節口州刺史梁靈二州總管洛陽口公



矣文內安得詳書葬日以此知為立政所增敘而  
書之也詳攷諸史與碑參校既可補史所未備亦  
可補碑之闕文故不厭觀縷記之

### 紀國陸妃碑

碑連額高一丈五寸廣三尺九寸五分三十七行行  
七十三字正書額題大唐紀國故先妃陸氏之碑銘  
十二字篆書在  
醴泉縣昭陵

上闕

□□□之迴風□□靈泉觀常儀之浴月蓄淳精於

洛口則仙媛呈姿淨淑氣於巫臺則神妃降彩識昭天  
祚乘馬闕桑珪下闕□□□□中饋靈液手□固韞異於

遐年神道會昌復摘英於

聖代妃諱 字 河

南洛陽人也自大電流樞有

下闕

□□□□□□□□命□

中陽國與地分人隨代起晉人失御鍾鼎墜於金陵魏  
氏乘期衣冠遷於鼎邑天保未定闕故為疏下闕兵□使

持節□州諸軍事洛州刺史上柱國定陵懷公惟岳降

神自天生德受黃書而蒞仕拔青萍而應務漢開八校

金鉞摠

下闕

□□□□□□□□□□書社祖立素益

州大都督府長史太子□庶子材膺半古道亞鄰幾□

生□流之藝惠施五車之學絹容

下闕

□□□□□□□□□□

□□□賢之寄護駕銅闕深諧正人之舉父爽尙書庫

部兵部二曹郎中渾金在器華璋表質齊臣守境□照



之口游撫漢口之口耕夫執耜瞻杏路以口口口口  
 口口口口口口口口口口口口口口口口口口口口  
 風亦乃先妃之口口以口口酒醴供潔口脩怡顏候色  
 朝夕無怠此妃之孝德一也沃盥饋食備服紘紵代終  
 無成理內從教口口口口口口口口德二也口澤圖口尊敬師  
 傅口口靡口於言口口不形於色此妃之口口三也閑  
 邪口偽避嫌遠口口車迎而未從無符召而弗至此妃  
 之正德四也食無重味衣絕輕鮮襲澣服之口口口口  
 口之口口此口之儉德五也鳩鳩口養藜菽口口始鞠  
 之於乳哺終口之於口口此妃之慈德六也持盈守道  
 蘊智韜光悟託賢之去禍知凌人之及難此妃之明德  
 七也以斯七德口口口口口口口口口口口口口口口口  
 賢罕能口口名馳楚甸道口梁藩舉族口其徽音口口  
 口其懿範皇姑降念口愛子而爲一  
 睿后  
 流恩口密親而莫二旣而祥通隕鸚慶動口口口口口  
 口口口口金口之口室口口口東平郡口績等六男江  
 陵縣主等八女綿紳口歲咸承教經之慈口口登辰俱  
 口斷機之訓是使貞姿夙茂口先日新令德彰於遠邇  
 休聲顯於家口口口口口口口口口口口口口口口口  
 棠棣之花口日謂口口九口永保口筵之口積粟萬鍾



方慶口堂之壽而福謙愆口口疾彌口口液口痾去口  
 山而海絕口橫延歲瞻五城而地遠風口口口口口  
 口口口口口流俄啜伸由之泣口麟德口年口月廿  
 六日薨於澤州之館舍春秋卅有五其日卽  
 考

之諱辰妃久口沉疾口斯增口情不勝哀口而殞絕  
 口口口口口口口口口口口口口口口口口口口  
 衣之念歎結行路哀口摛神紀口口妃時在洛下初聞  
 凶訃頗極哀痛之情旋遣悼書備竭辛酸之旨自非德  
 行昭著操履堅貞何以見重口口口口口口口口口  
 口口口口口性純口口口口口先口口侍口口易簣之

初特口口口慈母送終之禮纔使具於楸衣居喪之制  
 不許越於苦寢追往慎終咸從遺命有口口口口  
 口口口口口口口口口口口口口口口陪葬于

昭陵喪葬所須隨口官給又令京口五品監護靈輦  
 還京又遣司衛少卿楊知正監護儀仗送至墓所往還  
 粵以乾封元年口口口口口口口口口口口口口口  
 口口陵南二十三里惟妃太陰之靈仙兌  
 之英乘絳河以秀出體黃坤而挺生履道循規口口口

口口口學口習詩書以立身礪厲情田樹闕下七篇深窮  
 於旨趣榮辱一致偏口口口之言得喪兩忘殊好給園



□□□潢□□□枝分景翦桐開國疏茅樹屏駟馬爰  
駕龍祈載整菜藹□丹功崇鏤鼎其合酌貞吉諧琴作

配方咸娶女比兌歸妹□□□□□□□□□□□□

□□□□□□□□□□□□□□□□□□□□□□□□

曹□月明楚觀風清春椒獻頌秋菊裁銘其水言思孝

因心則友訓子折蓼承姑奉帚匪我恩洽吹薪德□□

□□□□□□□□□□□□□□□□□□□□□□□□

□□烈謂神祐仁先喪明哲悲逾輟棺悼□捐珙其卜

遷夏屋詔葬蛩陰地乳西距天□北臨楚挽宵

嗚哀笳曉吟峯高霧□□□□□□□□卜歎藏舟之難固庶

貽範於穹□敬刊石於泉路其十

碑已磨滅存六百餘字有云妃河南洛陽人也祖立

素益州大都督府長史太子□庶子父爽尚書庫部

兵部二曹郎妃年十有三歸于紀國曰惟大王高祖

神堯皇帝之孫又云護饗還京遣司衛卿楊知正護

送至墓所按醴泉志載有紀國太妃韋氏墓乃太宗

之妃紀王慎之母也此陸氏為紀王慎之妃唐書紀

王慎傳越王貞初連諸王起兵慎知時未可獨拒不

與合將就誅而免改氏虺載以檻車謫巴州薨於道

碑中護送至墓所必中宗復位以後事可以補史之

缺雍州金  
石記

右紀國先妃陸氏碑妃河南洛陽人年十有三歸于  
紀國貞觀十七年詔冊命為紀王妃生東平郡王續  
等六男江陵縣主等八女麟德二年六月廿六日薨  
於澤州之館舍春秋三十有五詔陪葬昭陵以乾封  
元年景寅十二月壬辰朔九日庚子葬于陵南二十  
二里唐書紀王慎七子續琮叡秀獻欽證宗室表有  
續琮慈庄叡秀獻欽曠澄十人傳作證表作澄字形  
相涉而訛耳碑惟云六男其餘非妃所生也河南陸  
氏本出代北步六孤氏後魏太和中改為陸氏與望

出吳郡者源流各別妃之父爽官尚書庫部兵部二

部曹郎中隋時有太子洗馬陸爽其子法言撰切韻

為後世所宗與此非一人也潛研堂金石文跋尾

按陸氏以貞觀十七年冊為紀王妃則附紀王葬也

與陪陵不同故史及會要諸書不著醴泉縣志

案妃以乾封元年十二月葬于陵南二十二里紀昭

陵陪葬者及金石文字諸書皆未載關中金陵陪葬者及金石文字諸書皆未載石記

按碑文二千七百餘字存者一千七百餘字尚得

十之六也妃之大略多可見陸氏出自嬀姓子孫

遷居吳郡凡見於史傳者大率吳郡人為多其河

南陸姓始於北魏魏書官氏志步六孤氏後改爲陸氏通志氏族略代北有步落大人號步陸孤氏後魏孝文遷洛陽改爲陸氏碑故云晉人失御鍾鼎墜於金陵魏氏乘期衣冠遷於鼎邑也北周書陸通傳通字仲明吳郡人西魏文帝大統九年授驃騎大將軍開府儀同三司太僕卿賜姓步六孤氏進爵綏德郡公然則步六孤氏亦源出於吳郡矣步六通志作步陸攷庾子山集載周譙國公夫人步陸孤氏墓誌銘標題亦作陸文云夫人諱某字某本姓陸吳郡人也語與周書陸通傳同錢塘倪璠庾子山集註云周書云本姓陸賜姓步陸孤氏是以陸爲六由來舊矣北周書陸騰傳騰字顯聖代人仕周武帝時爵上庸郡公官終大司空涇州總管薨謚曰定子元字士鑒元弟融字士傾最知名歷顯職大象中位至大將軍定陵縣公碑所稱定陵懷公者似卽其人是爲妃之曾祖矣周書騰傳稱其舊貫則曰代人而騰之六世孫據新唐書附見蕭穎士傳稱據河南人字德鄰年三十到京師公卿愛其文交譽之天寶十三載終司勳員外郎又有陸堅者新書傳稱爲河南洛陽人官給

事中兼學士善書初名友悌元宗嘉其剛正更賜名疑皆其族屬也唐書所見河南陸氏惟此而已祖立素父爽史俱不爲立傳碑稱立素官益州大都督府長史考隋書列傳庶人秀高祖第四子開皇元年立爲越王未幾徙封於蜀拜柱國益州刺史總管二十四州諸軍事歲餘而罷十二年復出鎮于蜀立素之爲長史當在是時其時令狐熙亦爲益州長史見熙碑碑云年十有三出歸紀國貞觀十七年冊爲紀王妃妃以麟德二年薨年卅五推其生在貞觀五年至十七年冊妃年正十三也

舊唐書紀王慎傳貞觀十七年遷襄州刺史以善政聞壘書勞勉百姓爲之立碑永徽元年拜左衛大將軍二年授荊州都督累除邢州刺史文明元年加授太子太師轉貝州刺史越王貞將起事慎不肯同謀貞敗慎亦下獄臨刑放免改姓虺氏流嶺表道至蒲州而卒貞謀起事在武后垂拱三年則慎之流嶺表亦在其時距妃薨後二十二年矣妃以十七年受冊紀王卽以是年出守襄州碑故有隼旟出牧翟羽隨軒之語又云名馳楚甸道口梁蒲是授荊州都督也薨於澤州館舍澤州高平

郡屬河東道臆度其時當是除邢州刺史妃隨行道次澤州而薨也碑云紀口口妃時在洛下泐二字當是紀國太妃慎之母也舊書列傳稱紀王慎太宗第十子新書傳稱太宗有十四子韋妃生慎則慎之母韋太妃也碑云送終之禮纔使具於楸衣楸衣二字無攷韻會云楸與梓本同末異蓋可以爲送終之具者也衣卽厚衣之以薪之義此蓋以文義求之非別有所據也碑云東平郡王續等六男舊傳稱慎長子東平王續早卒次子義陽王琮楚國公叡襄郡王秀廣化郡公獻建平郡公欽等五人垂拱中遇難中興初封慎少子鐵誠爲嗣紀王後改名澄是有七子也新書傳七子同惟澄作證爲異宗室世系表紀王房慎子琮之下有樂安縣公衡州別駕慈丹陽郡公宋州刺史庄欽之下有隴西郡公都官郎中曠是有十人也此三人惟慈無繼嗣庄曠皆傳六世旣非早夭又非遇害不知兩傳何以不書至碑止稱六人者或是妃薨之年祇有六子然不詳其名不知續之外餘五人者爲誰也碑云江陵縣主等八女見於新書傳者惟東光縣主適太子司議郎裴仲將性儉素姊弟

謂之則東光縣主有姊有弟姊卽碑稱江陵縣主  
者是已弟不知是誰或卽續也妃當薨逝之初卽  
已陪葬昭陵先遣官護靈輦還京又遣官護儀仗  
至墓所雍州金口記誤以護送紀王墓所爲中宗  
以後事可補史之缺蓋偶失檢也慎卒於蒲州道  
次當時不知葬于何所及神龍初詔州縣求訪復  
官爵諸王皆陪葬昭獻二陵則紀王固在陪葬之  
列宋敏求長安志昭陵陪葬諸王七紀王慎在其  
數妃嬪八人之中有紀國太妃韋氏無紀國妃陸  
氏則似紀王與陸氏合葬長安志載紀王不必復

書陸氏耳醴泉縣志以爲陸氏冊爲紀王妃附紀

王葬者蓋是約略之詞仍未晰也碑云葬于陵南

二十三里今此碑在醴泉縣北二十里西屯村昭

陵南十里其里數今昔不同何也傳稱東平郡王

續早卒然碑已有其名則卒于麟德二年以後五

人遇害之前也碑無書按人名姓碑書尙多用別

體如从木者皆从手及晏作宴鑄作僦又龍旂作

龍祈借用字悔吝作悔忝从古體後人乃加心作

恹悒又省作吝也曹口月明此句對下楚觀風清

當用仄聲疑月明當作月朗楚挽宵碣疑是宵唱



恐筆誤也

敬善寺石像銘

碑高三尺五寸廣一尺八寸三分  
十五行行二十八字正書在洛陽

敬善寺石像銘

并序

宣德郎守記室叅軍事李孝倫撰

若夫銀枝毓祉締靈影於金園  
劍雨銷氛飛惠液於沙界  
自鶴林秘彩雞山蘊迹甄  
睿像於貞金刊

瑞容於芳琬風猷不墜繫此賴焉  
紀國太妃韋氏京兆人也  
營姿含綺霏華椒掖蘭儀湛秀  
緝美蘋隈而思惕紅沙浪真輝於  
五劍神棲縞霧延妙業於三珠爰  
擇勝

畿聿脩靈像質融虬彩影龍鸞  
鸞月逗仙河分紫眉而沃色星流  
天苑翊紺瞳而飛照懇誠已罄茂  
績其凝化鳥旌越海之功藏龜彰  
拔塵之果昭昭峻業難可名言者  
哉加口凝石疏基均霜表地川潔  
桐園之藜風送杏巖之香雖淨境  
開金慮睽口於乘海宏規籀石諒  
終期於芥城其銘曰

二靈已散一體未融動植滋夥物  
象相蒙情氛委岳識浪隨風終淪  
口住孰亮三空大雄降迹麀津斯  
演瑞浦澄流祥山闢巘雪童戰勝  
檀口翼善了義西宣妙輪東轉菜  
潤攸在震區有庇望影咸圖尋光  
必萃粵惟德範

夙探微秘詣道雖忘瞻容乃唱珠璣褫玩銀藏傾財林中寫塔雲外崇臺臨豪月滿暎臉蓮開香煙起霧梵響驚埃南控鸞川北馳春路萬室迴曬四依輟步撫因其植披文同悟比日長懸隨山永固

碑無年月述紀國太妃韋氏造像之美其文甚麗字體亦工其寫鶴爲鸛祕爲秘襲爲龍絜爲潔翠爲翠夙爲夙皆別字云南控鸞川按中山經云葦山葦水出焉而北流注于伊水水經注云伊水自熊耳山東北逕鸞川亭北葦水出葦山北流際其城東而北入伊水世人謂伊水爲鸞水葦水爲交水故名斯川爲

鸞川也檢今方志無葦水鸞川之目蓋後人俗呼失其音字賴碑碣流傳尋經脈水足証上古禹書非無

信耳

中州金石記

右銘無年月紀國藩妃唐書例無傳僅見陪葬昭陵姓氏案紀國除于武后時而諸王如主自垂拱後被害者皆彙掩之神龍初詔州縣普加求訪陪葬昭獻二陵此必武后以前所刊姑附于武后之末

竹嶮盒金石目

錄

按銘無年月竹嶮盒目錄附于武后之末今考紀國太妃韋氏乃太宗之妃紀王之母据紀王妃陸

氏蚤薨乾封元年陪葬昭陵陸妃薨時太妃居洛  
陸妃墓碑有云紀國太妃時在洛下初聞凶訃頗  
極哀痛之情旋遣悼書備竭辛酸之旨云云此為  
太妃居洛之證敬善寺造像今在洛陽則太妃刻  
銘當卽在是時因附于陸妃碑後庶為近之

合狐熙碑

碑連額高一丈二尺六寸廣四尺六寸三十五行行  
七十八字正書額題隨故桂州摠管武康郡公之碑  
十二字  
篆書

隨故□□□□□□□□□□桂州摠管武康郡開國公合  
狐使君碑銘并序

闕德棻撰

闕秀書

□聞濟巨川者□□舟楫之用□□□□□□梁□□  
□是以□□□□□□□□□□所以□□□□□□□  
□□□百姓叶和萬邦□□□象南□□□東觀勒功  
□樹稱□□楹□茂實於當季播□聲□□俗□□□  
□之□□□□□之□□□□□公諱熙字長熙燉煌□□  
人也□大夫□□□之後□□□□□食邑□□□□  
□□□□□□將遷□□遠祖邁為建威將軍與翟義  
連謀為莽所害子孫避□□□□□□□□□□□□□

二千一百戶建德五年六月	留知夏官府事	還	師詔公墨纁從事	還	職方下大夫襲爵彭陽公邑	至性無以過之周武帝將有河陰之	不起雖	少	哀號骨立	大孝安親義不絕嗣吾	階處斷若流神無滯用尋以內憂	上士尋	獨步當時周武成之初始入國	明三禮工騎射解音律嘉聲	以	皆當代	破	之庸績	設壇	王府公早承	被於萌黎功烈書於	二州刺史	二州刺史	魏武威	太守並	菜祖虬魏龍驤將軍瓜鄴	二州刺史敦煌太守鶻	陰縣開	太守並	魏武威
-------------	--------	---	---------	---	-------------	----------------	-----	---	------	-----------	---------------	-----	--------------	-------------	---	-----	---	-----	----	-------	----------	------	------	-----	-----	------------	-----------	-----	-----	-----

口留守功增邑六百戶加授儀同大將軍宣政元年遷  
司勳口大口俄轉吏部公筮仕之始卽在選曹其時吏  
部臨淄公唐口雅量高材望口德重口公識度每口與  
周席公以長幼口隔辭不敢當口謂公曰吾子口口口  
口口口至此坐先後之間何足形迹口此口三口口  
踐其位當時談者咸所嘉尙公之弱歲本以鑒悟見稱  
及處詮衡大收時譽有口口口柴燎太壇詔公行納言  
事開皇元年拜司徒左長史加上儀同大將軍進封河  
南郡開國公子時景命惟新教府初立從容處物雅允  
具瞻吐谷渾竊據西垂敢窺王略朝廷出車薄伐以公  
爲元帥府長史公受命忘身先登斬級所乘之馬口箭  
而斃口此力戰遂口破口蜀王以口功之平遠鎮巴蜀  
粥諧之寄僉議依歸乃以公爲益府長史屬口行未反  
竟不述職二年敘破渾之功加上開府儀同三司俄授  
使持節滄州諸軍事滄州刺史州口口海口口舊稱口  
口口口口口口流亡獄以賄成官由貨進公下車之  
始詞訟盈庭銳情案察姦無所隱未及暮月化口訟息  
口造州門者口口口脫有口口俗以口口公莅口之  
初戶惟四萬綏撫口口口口口口口乃口十萬  
口口洛陽公朝行所闔州士庶謂公更有升口遠于將

送悲不自勝及公還也老幼相携出境迎□□□□  
□□□□□□□□□□□□□□□□八年□河□道行  
臺度支尙書百姓追思立碑頌德改行臺爲并州摠管  
府卽授并府司馬十一季轉雍州別駕尋改爲長史公  
厲精剖斷威惠兼施□□□□□□□□□□十二□□鴻  
臚卿以本官兼吏部尙書□□□□□□□□□□□□  
□許以□□及車駕□以公□侍從又判禮部度支兵  
部刑部工部尙書及秘書監事 高祖鑒觀四方求  
人之□□□□□□□□□□□□□□□□□□□□□□  
□□□□□□□□□□□□□□□□□□□□□□□□□□  
□□□□□□□□□□□□□□□□□□□□□□□□□□

□□□公□□□獄輕重無冤凡在官僚莫不欽仰鑿  
駕旋軼行次汴州郭下有□汴二渠商侶所□游子□  
□□所□□□□□□□□□□□□□□□□存□□□  
□以□□□□朝賢□公□在乃授使持節汴州諸軍  
事汴州刺史於是下車布□□帷□部括遊惰抑工商  
斷向街門禁巷市者舩客停於郭外行侶□□留孤  
村□□□□□居□令歸本令行禁止莫敢有□□□  
□□□□□□□□□□□□□□朝宗以□德政爲天下  
之最賜帛三百还仍勅諸州考使咸取則焉十六季除  
使持節摠管桂交尹藤簡□黃□越愛德□利□□象









可知撰者以文字求之則子撰其父之碑也碑敘  
公諱熙遠祖邁祖虬而曾祖與父在泐文中不能  
辨則是子撰父碑直書名諱不必如後世之假他  
人填諱也唐書宰相世系表令狐氏出自姬姓周  
文王子畢公高裔孫畢萬爲晉大夫曾孫顛以獲  
秦將杜回功別封令狐生文子頡因以爲氏世居  
太原秦有太原守五馬亭侯範十四世孫漢建威  
將軍邁與翟義起兵討王莽兵敗死之此卽使君  
之遠祖也碑所敘與表合邁生三子伯友文公稱  
皆奔燉煌伯友入龜茲文公入疏勒稱爲故吏所

匿遂居劾穀稱生六子第三子由由六子長子禹

禹生四子第四子溥溥生三子璜散瑒傳五世孫

馨馨孫亞亞孫敏敏五世孫虬卽使君之祖也虬

生四子元保整慶保休整卽使君之父也惟曾祖

不列于表中碑云祖虬魏龍驤將軍瓜鄯二州刺

史敦煌太守鶻陰縣開闕下北周書令狐整傳云整

曾祖嗣祖詔安並官至郡守咸爲良二千石父虬

北史整傳作虬仕歷瓜州司馬燉煌郡守鄯州刺

史封長城縣子大統末卒于家太祖傷悼之贈龍

驤將軍瓜州刺史傳較碑加詳而無鶻陰縣之封

攷鶉陰縣漢置屬安定郡後漢改曰鶉陰屬武威郡晉以後廢省是鶉陰之名亾已久矣其地入於西魏置會州會寧縣後周並廢至隋開皇十六年復置會寧縣屬平涼郡隋書地理志平涼郡又有百泉縣後魏置長城郡又黃石縣西魏改爲長城縣隋時改爲百泉是長城縣與鶉陰同屬平涼郡地而其名皆昔有而今無不能定其孰是也据周書整傳知使君之高祖諱嗣曾祖諱詔安北史整傳作紹安父諱整周傳云字延保燉煌人本名延世爲西土冠冕刺史魏東陽王元榮辟整爲主簿加盪寇

將軍魏孝武西遷河右擾亂整執營彥送京師太

祖表爲都督後以定晉昌斬呂興於闐于朝詔徵

赴闕授壽昌郡守封驤武北史傳除持節撫

軍將軍通直散騎常侍大都督遷侯持節車騎將

軍儀同三司散騎常侍尋除驃騎大將軍開府儀

同三司加侍中賜姓宇文氏賜名整孝閔踐阼拜

司憲中大夫進爵彭陽北史作彭城縣公權鎮豐州除

豐州刺史拜御正中大夫出爲中華郡守轉同州

司會遷始州刺史天和六年進位大將軍建德二

年卒贈鄜宜幽鹽四州諸軍事鄜州刺史謚曰襄

此整歷官之始末也碑文缺泐惟存二州刺史及遺口被於萌黎功烈書於王府二語而已二州刺史者即始豐二州語見隋書熙傳碑此下述使君之事云公明三禮工騎射解音律周武成之初始入國下上士尋遷夏官府都上士隋書合狐熙傳熙起家以通經為吏部上士尋授帥都督輔國將軍轉夏官府都上士俱有能名碑云尋以內憂去任哀毀過禮口口口口口口大孝安親義不絕嗣吾今下哀號骨立口口不起周武帝將有河陰之役詔公墨纓從事口還口職方下大夫襲爵彭陽

公邑二千一百戶隋書傳云以母憂去職殆不勝

喪其父戒之曰大孝在於安親義不絕嗣吾今見

存汝又隻立何得遽爾毀頓貽吾憂也熙自是稍

加餼粥服闋除小駕部復丁父憂非杖不起餘與碑同

北史傳同惟小駕部作少駕部彭陽作彭城為異

据碑泐文中尚存少字則北史是也爵是彭陽非

彭城當以碑為正周書武帝紀建德四年七月壬

午上親率軍直指河陰八月己卯入于齊境攻河

陰大城拔之會有疾九月辛酉班師碑所稱河陰

之役即此事也碑云建德五年六月口口留知夏

官府事口還口留守功增邑六百戶加授儀同大將軍宣政元年遷司勳口大口俄轉吏部隋傳云武帝平齊以留守功增邑六百戶進位儀同歷司勳吏部二曹中大夫周書武帝紀建德五年十一月己酉帝總戎東伐六年正月甲午入鄴城二月乙卯自鄴還京明年三月壬辰改宣政元年碑又云公筮仕之始卽在選曹其時吏部臨淄公唐口雅量高材望口德重口公識度每口與同席云云唐泐其名以周書傳攷之乃唐瑾也瑾傳云瑾年十七周文聞其名召拜尙書員外郎相府記室參軍事累進驃騎大將軍開府儀同三司爵臨淄縣伯于謹南伐江陵以瑾爲元帥府長史論平江陵功進爵爲公累遷荊州總管府長史入爲吏部中大夫蓋熙以少年與瑾同爲中大夫又同在吏部故碑云然又攷于謹傳謹伐江陵乃梁元帝承聖元年事後三年立蕭詧爲梁主振旅而旋事在西魏恭帝初元而周太祖文皇帝尙居元輔之任也碑云柴燎太壇詔公行納言事開皇元年拜司徒左長史加上儀同大將軍進封河南郡開國公此皆入隋以後事也隋高祖以周靜帝大定元年二

月受禪隋傳云高祖受禪之際熙以本官行納言  
 事尋除司徒左長史加上儀同哥與碑同碑云吐谷渾  
 竊據西垂敢窺王略朝廷出車薄伐以公為元帥  
 府長史蜀王以口幼之年遠鎮巴蜀弼諧之寄僉  
 議攸歸乃以公為益府長史二年敘破渾之功加  
 上開府儀同三司俄授使持節滄州諸軍事滄州  
 刺史隋傳云吐谷渾寇邊以行軍長史從元帥元  
 諧討之以功進位上開府會蜀王秀出鎮于蜀以  
 熙為益州總管長史未之官拜滄州刺史隋高祖  
 紀開皇元年八月甲午遣行軍元帥樂安公元諧

擊吐谷渾于清海破而降之九月辛未以越王秀  
 為益州總管改封為蜀王又據隋傳庶人秀高祖  
 第四子開皇元年立為越王未幾徙封于蜀拜柱  
 國益州刺史秀有膽氣多武藝上每曰秀必以惡  
 終碑故云弼諧之寄僉議攸歸也碑云口口洛陽  
 公朝行所闔州士庶謂公更有升口遠于將送悲  
 不自勝及公還也老幼相攜出境下八年口河口  
 道行臺度支尙書百姓追思立碑頌德改行臺為  
 并州總管府即授并府司馬十一年轉雍州別駕  
 尋改為長史證以隋傳語皆合碑于洛陽上有泐

文傳則云開皇四年上幸洛陽也行臺上泐字乃  
河北道也碑云及車駕口以公口侍從又判禮部  
度支兵部刑部工部尚書及秘書監事傳但云往  
判五曹尚書事而已碑有車駕字侍從字隋高祖  
本紀開皇十二年七月壬戌幸昆明池其日還宮  
八月乙亥幸龍首池是年遊幸祇此二事不知熙  
之侍從在何時也碑云變駕旋軼行次汴州郭下  
有口汴二渠商侶所口下闕乃授使持節汴州諸軍  
事汴州刺史於是下車括游惰抑工商斷向街門  
禁巷市者船客停於郭外行侶口口口留孤村口

口口口口居口令歸本令行禁止莫敢有下闕德政

爲天下之最賜帛二百疋侶與旅同疋卽疋字隋

傳云上祠太山還次汴州惡其殷盛多有姦俠於

是以熙爲汴州刺史下車禁遊食抑工商民有向

街開門者杜之船客停於郭外星居者勒爲聚落

僑人逐令歸本者績爲天下之最賜帛三百疋傳

視碑較詳而帛三百疋與碑之二百疋者異也高

祖祠太山是開皇十五年正月事河南通志古蹟

門載開封府汴河故道云卽浚儀渠河舊出鄭州

滎陽縣大同山東經府城內又東合蔡河名菴蕩

渠又名通濟渠東注泗州下入於淮皮日休銘云  
隋之疏淇汴鑿太行在隋之民不勝其害也在唐  
之民不勝其利也云云據太平寰宇記通濟渠在  
開封縣南二里大業元年引汴水入號通濟渠又  
琵琶溝在開封縣南十一里西從中牟縣界流入  
通濟渠隋煬帝欲幸江都自大梁城西南鑿汴水  
入卽濩蕩渠也則通濟與濩蕩是二渠河南通志  
謂濩蕩又名通濟者非也然此二渠皆鑿自煬帝  
時此開皇十五年未有此二渠名則碑云口汴二  
渠不知何渠也碑云十六年除使持節總管桂交

尹藤簡口黃口越愛德口利口口象口口十七州

諸軍事桂州刺史隋傳云上以嶺南夷越數爲反  
亂徵拜桂州總管十七州諸軍事累改武康郡公  
所謂十七州者碑泐其六以隋書地理志攷之尙  
有靜賀東寧安明玉等州名與桂林諸郡相鄰者  
然亦不能強合於十七州之數也碑云以疾固辭  
口旨不許下二年八月十五日口於位春秋六十

有三卽以其年十二月口口於京城之口以大唐  
貞觀十一年十一月五日歸葬於口州華原縣之

下隋傳云在職數年上表曰臣忝寄嶺表四載于



茲犬馬之年六十有一年疾俱侵請解所任優詔  
不許有人詣闕訟熙受交州渠帥李佛子賂旣而  
佛子反上大怒鎖熙詣闕熙行至永州憂憤卒年  
六十三北史傳與此同周書附整傳但云大象中  
位至吏部中大夫儀同大將軍蓋入隋以後歷官  
不入于周也碑不詳熙被逮事子爲父諱也碑於  
二年上有泐字當是仁壽二年至貞觀十一年歸  
葬距其卒三十六年而撰文立碑在乾封二年又  
距三十年合之共踰六十六年矣華原縣屬雍州  
殆因其子德榮徙居乃遷熙柩歸葬而唐書德榮  
傳遂不曰燉煌而曰宣州華原人也然宣州爲唐  
初所置貞觀中廢天授二年始復置其後改爲耀  
州是及德榮之身宣州之廢久矣碑又云夫人同  
郡汜氏周甘州刺史慶之女初拜口原郡君口遷  
河南口夫人此蓋以合葬而兼敘夫人也廣韻云  
汜姓出燉煌濟北皇甫謐曰本凡氏遭秦亂避地  
於汜水因改焉汜氏之先見於晉書者二人一爲  
汜毓見儒林傳係濟北廬人客居青州與夫人異  
派一爲汜騰見隱逸傳爲敦煌人當是夫人之先  
世也碑稱夫人爲同郡蓋與熙同貫敦煌也其父

慶周書北史俱無傳碑云學士監修國史護軍彭陽縣口國公德棻陪侍膝下夙趨教義云云此德棻自敘其官也舊唐書德棻傳貞觀六年累遷禮部侍郎兼修國史賜爵彭城男十一年修新禮成進爵爲子永徽九年累遷太常卿兼宏文館學士四年遷國子祭酒兼授崇賢館學士又授高宗寶錄進爵爲公龍朔二年致仕仍加金紫光祿大夫乾封元年卒於家新書傳稍略然彭陽作彭城則同誤也碑于學士之上有泐文据傳是崇賢館也碑立於乾封二年其時德棻已卒而此行年月之下其泐四十餘字中間尙存武騎尉三字當是德棻之後人官武騎尉刊其遺文而立於墓上抑或爲德棻附葬因追爲熙立碑也隋傳稱熙有四子少子德棻最知名今見於唐書宰相世系表者只德棻一人其三人但有孫曾列于表內亦無官武騎尉者則武騎尉不知何人也此碑金石家皆未著錄因詳攷之

金石萃編卷五十六終

金石萃編卷五十七

賜進士出身 誥授光祿大夫刑部右侍郎加七級王昶撰

唐十七

令孤德棻碑

碑連額高一丈二尺九寸五分廣四尺二寸五分十五行行七十七字正書額題大唐故金紫光祿大夫彭陽憲公之碑銘十六字篆書

大唐故□□□□□□□□□□修國史□□□□□

闕下

闕上政書

□□□之所興分八口丘為□□墨□所至□三者□





陽縣開國男食邑二百戶□□□□□□□□□□  
□□□□□□□□□□□□□□□□□□□□□□  
□□□□□□□□□□□□□□□□□□□□□□  
等授□□侍郎及□□□□□□□□□□□□□□  
詔修五代史書命公專撰周史

公博瞻多聞工於著述詳錄典□有□□□□□□□□□□

□□□□□□□□□□□□□□□□□□□□□□

□□□□□□□□□□□□□□□□□□□□□□

子加邑百戶賚物□百冊段頃之又命公與吏部尚書

高士廉刊定成□事畢□□□□□□□□□□□□□□

□□□□□□□□□□□□□□□□□□□□□□

太宗以業定功成時康歲稔迨

於羣□將事□□□□□□□□□□□□□□□□

□□□□□□□□□□□□□□□□□□□□□□

□□□□□□志□□□□□□其禮□□天□以為故事彙

授以正議大夫行右庶子正□□之敦厚□□元之□

□繼□比位□□於公□儲君□□□□□□□□□□

□□□公□□□□□□□□□□□□□□□□

□雅州刺史□車露冕緝化宣風擴俗蠻□懷恩□□

以公事□□□□□□□□□□□□□□□□

□□許敬宗等□□□□□□□□□□□□□□□□

□□□□□□段□□大□□□□□□少監□帛一百

五十匹今 上正位以公守禮部侍郎

事

此

永徽二

仍監修國史

卿依舊修史

抑揚

抗表去位優詔不進

通

謝

戴

太宗實錄

明

食邑

公增邑一千

皇帝實錄

於是

仰丘

翱翔林壑抗跡

春秋

八十有四遺□薄葬□□□塗□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

顏□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

□□□□□□□□□□□□□□□□□□□□□□□□□□

周王御時肇開□□□□□□□□□□□□□□□□□□□□

標□□□□□□□□□□□□□□□□□□□□□□□□□□





年遷秘書丞撰藝文類聚高祖詔蕭瑀王敬業殷  
聞禮修魏史陳叔達令孤德棻庾儉修周史封德  
彝顏師古修隋史崔善孔紹安蕭德言修梁史裴  
矩祖孝孫魏徵修齊史竇璡歐陽詢姚思廉修陳  
史歷數年不能就貞觀三年太宗復勅德棻與岑  
文本修周史德棻又奏引殿中侍御史崔仁師佐  
修周史六年累遷禮部侍郎兼修國史賜爵彭城  
男十年以修周史賜絹四百匹十一年修新禮成  
進爵為子又撰氏族成賜帛二百匹十五年轉太  
子右庶子承乾敗除名十八年起為雅州刺史詔

改撰晉書書成除秘書少監永徽元年撰定律令  
復為禮部侍郎兼宏文館學士監修國史及五代  
史志遷太常卿兼宏文館學士四年遷國子祭酒  
修貞觀實錄賜物四百段兼授崇賢館學士尋又  
撰高宗實錄進爵為公龍朔二年致仕加金紫光  
祿大夫乾封元年卒於家年八十四謚曰憲新書  
傳與此同而稍畧宰相世系表但書官國子祭酒  
不云崇賢館學士爵彭城縣公也碑云公諱德棻  
字季口燉煌人也德棻字某傳不書碑惜泐一字  
其云敦煌人者與其父熙碑同蓋祖貫也碑云曾

口虬魏龍驤將軍闕開國子闕此德棻之曾祖也

北周書令孤整傳整父虬仕歷瓜州司馬燉煌郡

守郢州刺史封長城縣子卒贈龍驤將軍瓜州刺

史碑云正卿上大夫始豐二州刺史彭陽縣開國

公闕此德棻之祖也諱整北周書傳孝閔賤阼整

拜司憲中大夫進爵彭陽北史作彭城縣公徐豐州刺

史拜御正中大夫遷始州刺史謚曰襄傳作中大

夫而碑是上大夫也碑云父口上開府儀同三司

兼吏闕此德棻之父也諱熙有碑見前此下碑述

德棻事云丙艱絕漿口粒父憂率由口極議者稱

之据前碑熙之卒在隋仁壽二年碑云服闋投游

騎尉大業中闕傳不書授游騎尉事碑云高祖受

圖誕命淮安王神通闕下參軍專掌詞翰此即傳稱

神通以為記室參軍也碑云以從口京城之口加

銀青光祿大夫大丞相府記室武德之始拜起居

舍人闕此語與傳合而較傳為詳碑云以本官攝

尚書左丞封彭陽縣開國男食邑二百戶闕尋授

口口侍郎詔修五代史書命公專掌周史傳不書

攝尚書左丞其遷禮部侍郎及賜爵在修周史之

後碑云修新禮成進爵為子加邑百戶賚物口百

卅段頃之又命公與吏部尚書高士廉刊定成口  
事畢闕傳不書加邑百戶及與高士廉刊定事碑

云授正議大夫行右庶子傳不書授正議大夫碑

云雅州刺史闕傳作貞觀十八年碑云房元齡口

口口許敬宗等闕此卽同修晉書事碑云口口少

監口帛一百五十匹此卽修晉書成授秘書少監

傳不書賜帛之事碑云今上正位以公守禮部侍

郎闕永徽云口闕宏文館學士仍監修國史尋改

授太常少卿傳與碑同惟授太常卿無少字碑云

春秋八十有四遺口薄葬而闕其卒年據舊傳是

咸亨元年也碑云卅卷並行于時而不詳何書據

新書藝文志是令狐德棻集三十卷也碑云長子

太子右司議闕據宰相世系表德棻子修已不書

官位是表之畧也碑末又有嫡孫朝三字下俱泐

史表有孫伯陽亦無官位碑有朝字必是叙其官

階而系於碑末必是紀立碑歲月也今旣無可攷

始附此碑於乾封二年令狐熙之後當是與熙碑

同時立也書碑者泐其姓僅存其名政字

### 張開疆尹氏女造像記

記兩面刻一橫廣一尺四寸七分高五寸三分十四  
行行五字一橫廣一尺二寸三分高八寸五分十一

行並  
一五書

大唐乾封二年九月三日佛弟子張開彊尹氏女爲父  
母舊貫絳州樂居洛邑女出事他族遠隔山河抽割衣  
資敬造阿彌陀像一區願父母兄弟及因緣眷屬永無  
灾部值佛聞法

佛弟子張開彊供養

妻蘇供養

女苟兒

男智達

男智興

女夫尹仁則

姪及兒

外孫義成

孫仁誓

孫仁表

兄唯信供養佛時

按此碑是張開彊之女歸於尹氏者爲其父母兄  
弟造像以祈福也文云舊貫絳州樂居洛邑絳州  
絳郡屬河東道洛邑似卽洛州屬河南郡言其父  
母舊貫絳州遷居洛邑而不自言其居于何許但

言出事他族遠隔山河然出嫁之女繫念父母兄弟無可寄達託於造像以寓其誠一二語中不覺孝弟之心油然而生也抽割衣資者抽拔也割猶捨也皆捐資之意張開疆是其父妻蘇是其母苟兒卽女自謂男智達智興皆開疆之子次于女後女之弟也尹仁則爲女夫外孫義成疑卽女之子開疆之外孫也仁玉篇云俗辯字仁表似皆開疆之孫而所謂姪及兒者或是開疆之姪與姪之兒也末行兄惟信特提起數字不與衆伍者豈開疆之兄耶

郭君碑

碑高七尺三寸廣二尺七寸前後缺僅存二十一  
行行五十八字行書在汾縣北七十里郭社村

唐故大將軍上柱國郭君碑

上闕

州刺史□□司徒公□□□□華藩分銅

虜□□□羽□□□□□□□□□□□□

□□□□□□□□□□□□□□□□□□

備□端懷厚□於九功□留情於七德汪汪有□□之

量侏侏有勇夫之質父嵩稟性虛凝不□榮□□□□

□□□□一混是非窮柱下之深趣雙舉鵬鷄得濠

上之幽情公家承禮教藉慶膏腴□□不羣英姿□□

皎皎若霜淨之曠秋桂肅肅似風嶺之茂寒松聞詩禮  
而遊方觀儒墨而覩奧每登高憤歎投筆長懷企梁竦  
之忠謀追班超之義勇□□□□西山之□□□□之戎  
冠六郡之良家雄五陵之俠少屬火運挺災乾綱紊緒  
焚原靡救□類毋遑□□大唐標□帝之靈文兆蒼精  
之秘錄起□□之積甲建參野之連旗經綸大夏之墟  
締構潛丘之壤指麾日月負閭闔以□移□□山川□  
□□而□轉於是薦名相府委質戎場揮霜劍而斬老  
生奮長戟而摧霍邑殊勲克著授公上儀同三司于時  
絳州逆命不順 皇猷公扼腕齊心衝冠日裂布魚

麗之陣擬却月之

城

瞬息之間俄然殲滅獲勲居最授

朝請大夫於時武周作梗同黑山之未平建德亂階類  
黃巾之猶熾太原北望無復人煙之墟絳川南指咸爲

戎馬之地危□孤立是日涪州四面

受

敵千里絕援關

山杳杳望長安如日邊歲月遙遙疑京兆於天上口單

之固卽墨窘若懸巢赦昭之守陳倉危同累卵於是摠

管真繩公李仲文乘連率之華

當

廟畧之委以公茂族

盤根任之心背親御矢石展効立功授上輕車都尉口

貞觀三年頡利雄視

龍庭控弦百萬虔劉都鄙擾

亂邊垂

太宗文皇帝坐黃屋以永懷臨紫宸以

太息傷彼殘賊哀此氓黎爰命英公董戎薄伐公□□  
□之劔持冉有之矛執角爭先中權後勁獲勳第一授  
上大將軍賞物四百段遂乃八表乂安四海清晏公乃  
韜戈息騎琴酒怡神咀嚙六經魚獵百氏臨池入木之  
技逸少見以多慙獻賦制檄之才相如謝其清俊上聞  
震辰爰降綵綸召公爲金門關□將公辭兩疏之  
□冠掛東門謝司農之官傳芳北海至七年又辟公滕  
王□府司馬公志性林泉賞心風月悟有情爲速朽識  
多財爲累愚悲景燭之不□哀霜□之逾遠深憑寶相  
宏立勝因雖陸生散千金之資實朱公奔五□之產  
儔斯樹□未可同季以此固辭確乎不受 太宗文

皇帝崩遺

詔起義元從班例加勳

詔授上柱

國 皇帝駕幸并州公策駟遠□蒙 恩□□□

□□段公勲庸克著英聲美於五臣榮寵旣章功名顯

於六佐如何與善徒欺輔在多爽滔滔閱水旣一逝而

無歸冉冉生靈亦百年而有竭□□□□□□遺疾薨

於私第靈座空而遊塵滿□簷廓而鴟禽哀追□德於

猶生想音徽而以謝農夫輟耕而永歎機婦罷織而長

嗟豈直巷絕歌聲鄰□□□□□以乾封二年歲次丁

卯十一月丁巳廿八日甲申遷窆於大夏鄉隱泉之原





字必是先世之歷官又有分銅虎字高宗之世不  
 避虎也又有志隆字玩上文義當是其祖名其父  
 嵩祖與父皆無官位此下叙君之事蹟云大唐建  
 義旗薦名相府揮霜劍而斬老生奮長戟而摧霍  
 邑授上儀同三司時絳州逆命獲勳居最授朝請  
 大夫武周作梗建德亂階危口孤立是日浩州總  
 管真鄉公李仲文任之心膂展効立功授上輕車  
 都尉貞觀三年頡利擾亂邊垂太宗文皇帝命英  
 公薄伐公獲勳第一授上大將軍賞物四百段召  
 公爲金門關口將七年又辟公滕王口府司馬固

辭不受太宗文皇帝崩遺詔起義元從班例加勳  
 詔授上柱國皇帝駕幸并州公策駟遠口蒙恩下  
 遭疾薨于私第以乾封二年歲次丁卯十一月丁  
 卯廿八日甲申遷窆于大夏鄉隱泉之原夫人王  
 氏令望江東派流并部子宏道並在親衛亞劉宗  
 之兩驥野韋氏之雙珠云云此君之大略也唐書  
 宰相世系表郭氏後漢末大司農郭全代居陽曲  
 裔孫徙潁州又華陰郭氏出自太原子孫徙馮翊  
 又郭有道裔孫居魏州昌樂又中山郭氏世居彭  
 城凡此數派皆無君祖父名不知君何派也君里

居不可知据碑云辟滕王府司馬公志性林泉固  
辭不受是不就辟而索居也皇帝駕幸并州策駟  
迎口是從家居迎蹕于并州也則君之所居在河  
東矣据立碑之所在今汾州府汾陽縣北七十里  
郭社村村曰郭社或卽以君姓得名或君有後裔  
世居于此村矣今之汾陽縣在唐爲隰城縣今之  
汾州府在隋爲西河郡唐武德元年改曰涪州卽  
碑所云危口孤立是曰涪州武德三年復曰汾州  
屬河東郡山西通志汾陽縣北四十里有謁泉山  
山上有隱泉水經注文水又南逕縣右會隱泉口

水出謁泉山之上頂俗云賜雨愆時是謁是禱故  
山得其名頂上平地十許頃沙門釋僧光表建二  
刹泉發于兩寺之間東流瀝石浴注山下又東津  
渠隱沒而不恒流故有隱泉之名据碑云窆於隱  
泉之原則墓在今之汾陽其居亦當在汾陽矣碑  
云斬老生摧霍邑是一事在大業十三年七月高  
祖初建義旗時絳州逆命乃八月事武周作梗指  
武德二年劉武周據并州事建德亂階指武德四  
年竇建德援王世充事新唐書太宗紀武德三年  
四月擊敗宋金剛於柏壁金剛走介州太宗追之

一日夜馳二百里宿於雀鼠谷之西原軍士皆饑  
太宗不食者二日行至浩州乃得食碑所云危口  
孤立是曰浩州卽指此碑云貞觀三年頡利擾亂  
邊垂太宗命英公薄伐頡利卽突厥頡利可汗英  
公卽英國公李世勣太宗紀三年十一月庚申并  
州都督李世勣爲通漠道行軍總管華州刺史柴  
紹爲金河道行軍總管任城郡王道宗爲大同道  
行軍總管幽州都督衛孝節爲恒安道行軍總管  
營州都督薛萬淑爲暢武道行軍總管以伐突厥  
卽此事也碑云七年辟公滕王府司馬新書高祖  
諸子列傳鄭惠王元懿始王滕貞觀中徙王鄭此  
與滕王元嬰別元嬰乃貞觀十三年所封不在七  
年也太宗遺詔乃二十三年事皇帝幸并州乃永  
徽五年正月事高宗紀二月赦并州及所過州縣  
義旗初嘗任五品以上葬并州者祭之加佐命功  
臣食別封者子孫二階大將軍府僚佐存者一階  
高宗之加恩于義旗功臣爲已厚也此時君策駟  
遠迎宜在進階之列而碑泐矣十一月丁巳朔碑  
不書朔字省文也夫人王氏碑云派流并部是太  
原王氏矣又云痛長城之永別淚染湘川悲隴水

之分流更成嗚咽詳玩文義是夫人尙在也而得  
列於文內是此碑初見子宏道並在親衛上闕五  
字下有兩驥雙珠之語是二子也碑之可攷者如  
此惜無史傳可互證也碑書扼腕同扼腕卽史記  
封禪書海上燕齊之間莫不搯腕是也咀嚙六經  
嚙字右旁从舜字書無嚙字此疑是嚼字之訛嚼  
篆作𪔐右文與𪔐相似元應在篆法辨訣所謂華  
葉棄乘頭並異舜爵愛受首俱奇者是也起義元  
從斑當作班字班可通作斑此則以斑爲班也

道安禪師塔記

記高一尺七分廣九寸八分行十  
二字正書在西安府城南百塔寺

大唐故道安禪師姓張雍州渭南人也童子出家頭陀  
苦行學三階集錄功業成名自利旣圓他利將畢以總  
章元年十月七日遷形於趙景公寺禪院春秋六十有  
一又以三年二月十五日起塔於終南山鷄鳴塢信行  
禪師塔後志存親近善知識焉

今在西安府城南百塔寺旁大唐故道安禪師塔記

書法瘦硬可喜此等小碑甚夥以不著書者姓氏爲

可惜也

雍州金  
石記

按記云學三階集錄功業成名太平廣記載武德

中有沙門信義習禪以三階爲業道安以童子出家其學三階集錄正在武德中與信義同時也佛家臨終或云滅度或云圓寂或云但化此云遷形於趙景公寺禪院遷形二字不見他碑高宗以總章三年三月甲戌改元咸亨此碑以二月十五日起塔故尙作總章三年終南山鷄鳴埵今志乘不載此名鷄同駘鳥名廣韻鷄雖鷄並同鳶也埵與堆同信行禪師塔在長安縣百塔寺寺在城南五里許陝西通志百塔寺本唐僧信行塔院大歷二年間募信行者皆筵十信行塔之左右故名百塔又引張芬碑記云百塔寺唐相裴公所施之地据此碑則信行塔先已有之而建塔院并改塔院爲百塔寺皆後起之事也志稱信行爲唐僧或與信義同時修業抑或卽是一人皆未可知

李孝同碑

碑連額高一丈一尺五寸廣四尺一寸四分三十三行行七十二字正書篆額在三原縣北白鹿原又名三家店

大唐□□□□□□□□□□大將軍代州都督柱國淄

川公李府君□□□□

□□□□□□□□□□帝座之尊下口兼山太岳峙天

孫之鎮欽惟  
昌運口兩儀以口口口口口口

口口口口口口口口口口口口口口口口

口口口口口口口口口口口口口口口口

巖廊寵懋親賢在於淄川公矣公諱孝同  
高祖

太武皇帝之從子  
太宗文皇帝之從祖弟也竊

惟流雲降祉種德地於勛華御氣騰真至道先於口地

驪功潛運貽  
寶祚於千齡  
口口口口口口

貞符於三口十九皇而統極一六合以爲家是以睿口

鬱雲臨扶若而交蔚口源蕩日掩河漢以分流比夫黃

神渥圖得姓止乎任姑丹書受命錫驪口乎應韓固可

同年  
而語矣  
曾祖太祖景皇帝沈跡栖神韞龍

田以雲覆飛英演化應贊谷以颺騰八柱之業載宣萬

寓之心口係同夫后禋口景命於岐口取譬口陽口口

口於口口口  
聖之徵口北配天之典逾峻相寧

州趙興郡守海州刺史鄭孝王粹表霞軒雄圖岳立軼

東平而振響架北海以翔英父光祿大夫宗正卿左領

都督口衛大將軍山東道行臺尚書左僕射口口大將

軍元口軍將開府儀同三司上柱國贈司空淮安靖王

屬締構之初材高八子會經綸之肇寄重口南負象廓

而上征凌口餘而獨運擬諸漢室楚元推轂以並驅方





冥至哀毀逾禮雖練服告終而琴聲不作旣而承顏聖  
善弛情宦路侍鮑輦於西園奉潘軒於東閣蒸蒸不價  
僅將一口 朝廷嘉之不奪其志就拜游擊將軍

旌厥美也而口口難靜茹荼口集扣其滅性之規永結  
終身之痛服闋授右衛交州府右果毅都尉尋除右衛  
親衛府左郎將未幾遷中郎將 皇上纂圖加寧

遠將軍累遷左千牛中郎將兼檢校左衛將軍尋拜左  
驍衛將軍巡警口口廬口切司階之任抑揚口口克著聞  
聲之想口口清口將之聲口穆竹符載剖口良之寄  
是歸顯慶二年授使持節普州諸軍事普州刺史宣風

玉壘叱馭而越危梁恤隱銅陵坐嘯而清獷俗俄以他  
事坐爲士口尋授播州刺史舉計入朝口口詔復本  
官原其非罪旋加明威將軍仍統右羽林軍事屬南薰  
之期典北軍之重密勿軒禁時論榮之有事分丘親陪

鑾駕口金啓路清鳳蹕於離宮會玉升口肅龍  
麾於帳殿蚤承千祀之慶載紆七命之寵口壯武將軍  
乾封三年遷右衛將軍仍舊北門供奉鉤陳効職庶長  
奉於 紫宸劔折貽娠遽歸全於元夜以總章二

年十一月口五日薨於京師口安之里第春秋六十有  
口 宸襟軫悼乃降 詔曰飾終加等義在

於念勞□往由恩理存於顯懿故右衛將軍淄川縣公  
 李孝同地分□戚□重簪裾幹藝優□風鑒開爽割符  
 方鎮仁明之化載彰肅旅中軍爪牙之寄斯允□□□  
 □□□□□衡□夜壑□舟□貽□於瘞玉奄從物化  
 寔愴于懷宜被寵章式旌幽窆可贈左武衛大將軍使  
 持節都督代忻朔蔚四州諸軍事代州刺史□□物一  
 百五十段米粟副焉□□□□□□□□□□□□□□  
 入□□□□□□□之日特降□□□□□□□□□□  
 衣一襲以送終□惟公承累聖之□□資樂善  
 之餘慶□□英勇□□初髫靖王嘗謂妃曰昔□□□  
 □□□□□慎□子何□□□以其小名錫之□字雖  
 復顧雍早秀先憲伯喈之名桓温夙敏爰採太真之姓  
 比跡傳事固無□□泊於成立卓焉俊邁□□□□□  
 之□□姿開朗月之華□□□□□□□□□□□□  
 □咳竭地義之範荆庭睦天倫之愛故能武帳升班戎  
 軒締□寔惟肺腑之重委以腹心之寄門羅棨戟躋一  
 代之殊榮室滿□□□百年之□□所□□流□□德  
 □□□□□□□□□結無言之痛摧殘營柳終虧  
 長揖之期嗚呼哀哉粵以咸亨元年歲次庚午五月廿  
 四日歸窆於靖王之舊塋禮也有子朝散大夫行□□



膺寶歷靖王心然之云云此亦可為先見矣撰文姓

氏已不可求書者據趙明誠為諸葛思楨今亦磨蝕

但其筆法虬健波拂處大類褚河南可寶也

石墨  
鐫華

在三原縣北白鹿原不知誰撰諸葛思楨書獻陵陪

葬僅存此碑

來齋金石  
刻考略

按碑文二千三百餘字惟首行泐其大半餘存十

之八九事蹟尙可考也碑云公諱孝同高祖太武

皇帝之從子太宗文皇帝之從祖弟也曾祖太祖

景皇帝祖寧州趙興郡守海州刺史鄭孝王父光

祿大夫宗正卿左領都督口衛大將軍山東道行

臺尙書左僕射口口大將軍元口將軍開府儀同

三司上柱國贈司空淮安靖王唐書宗室世系表

太祖景皇帝八子其一即始祖元皇帝生高祖神

堯皇帝也其第八子鄭孝王亮隋趙興太守長社

郡公是為大鄭王房亮生二子長曰淮南靖王神

通神通生十一子第三子曰淄州郡公孝同舊唐

書傳淮安

表作  
淮南

王神通父亮隋海州刺史武德初

追封鄭王新書傳鄭孝王亮仕隋為海州刺史追

王是趙興太守海州刺史表與傳分見而碑則連

書之且增寧州二字其長社郡公獨見於表碑傳

俱無考隋書地理志無寧州趙興之名其海州本  
東莞瑯琊二郡地東魏武定七年嘗置海州東彭  
城郡始有海州之名齊周之朝置朐山東海二郡  
隋開皇初廢東海郡大業初復置至唐初始置海  
州東海郡屬河南道則隋時未嘗有海州亮何緣  
爲刺史是碑傳與地理不合也長社亦無此郡名  
有東魏有長社縣屬潁川郡武定七年縣廢至隋  
開皇六年卽其地置長葛縣則表云長社郡公者  
亦不合也舊史神通傳神通隋末義師起入鄆縣  
山南舉兵以應與司竹賊帥何潘仁連結下鄆縣

衆踰一萬自稱關中道行軍總管高祖授光祿大  
夫從平京師拜宗正卿武德元年拜右翊衛大將  
軍封永康王尋改封淮安王爲山東道安撫大使  
竇建德敗復授河北道行臺尙書左僕射從太宗  
平劉黑闥遷左武衛大將軍貞觀元年拜開府儀  
同三司賜實封五百戶四年薨贈司空謚曰靖配  
享高祖廟庭有子十一人第三曰孝同淄川王此  
神通歷官之始末也

新傳

同大較與碑合惟山東道

安撫大使河北道行臺尙書左僕射碑則合而爲  
山東道行臺尙書左僕射也且太宗元年分天下

爲十道但有山南無山東也開元二十一年始分  
山南江南爲東西道於是有山南東道之名然亦  
不得直謂之山東道也疑碑與史皆譌山南爲東  
耳碑此下述孝同之事有云高祖踐阼於時甫戢  
干戈廣置庠塾乃於延閣別開學館賢戚子弟擇  
秀口者口之公以夙成口口俊選此是武德元年  
事文獻通考武德元年詔皇族子孫及功臣子弟  
於秘書外省別立小學是孝同此時充小學諸生  
也孝同以總章二年薨春秋六十有口則武德元  
年僅十餘歲故應俊選也武德九年徙爵爲口從  
朝典也碑泐一字當是徙爵爲公也舊史道彥傳  
載高祖初受禪以天下未定廣封宗室從弟及姪  
年始孩童者數十人皆封爲郡王太宗卽位問侍  
臣曰徧封宗子於天下便乎尙書右僕射封德彝  
對曰不便於是率以屬疎降爵是時道彥等並隨  
例降爵道彥爲孝同之兄据此碑則孝同亦在降  
爵之列也有事介丘親陪鑾駕是乾封元年封秦  
山事京師口安之里第泐一字當是長安也賜物  
一百五十段米粟副焉以陪葬昭陵諸碑之例推  
之則米粟亦百五十石也其賜錦被襲衣以送終



參已口山順鬱鬱乎爾崇洲場  
 紉轉簡難自卷曠泉其於山隄  
 其其實幾廢廢止場氣里斐秀  
 策鵝徽瑀函吐祕古奎飛關口  
 穀雨游隘回丸既率菲箇否加  
 敦圍頓伊宵詩載節望而衆雲  
 吃固災昭事祈軌口嚮猶觀澤  
 化冥曠幽黎無察情以秩紀  
 育貞載滂卓志瓊蟻沁悉昌華  
 聯位藩閭種頓賢美輿豐登  
 中糞亨鑄副故絳絳是肅登  
 蘇護亦當叶曜中闈切曠况倚  
 問川口止嘉禱屈仄的止規美  
 咸勿麻思蘇底聖重司築和獨  
 賦軌忠澧灌滙館儀譽鞞濁周  
 止靈術禱壇專驚賜後雷生盛  
 鞞悃賜蘇洞真社兩訛惠爾也  
 儀美高頰勉虛畧外禿不可積  
 業以於劬劬忭誦茶蓼鵝彙副  
 等痛塞調茶感切所棉泣正光



疆自禔慎頡頏

俊隨脩德視息

頹突濛瞻望島

哀何堪自已

命懸富貞

非可

肅奉

所

之品

觀

斐

周

煎

隆

乙

向

頽

上

噪

船軒木騰皓歸幾泉劬美切綏馮  
止野望惠興喜痛深鞅機止賤  
巧精輝鬱鞞而密肯踴瞻留景  
於政忘功躬餘魂別情不禱  
彰醴酌氣福康泰也  
得風舊空傳歌也感慕緒不  
○

釋文

有唐五十三祀龍集敦牂哀子李訓誼謨謀銜恤在疚  
寘懷靡所永言報德思樹良因敬立

大道天尊逮侍真像粵若稽古藐觀遂初真宰貞乎得  
一混成表於沖用元之又元蹟超言象之域惟恍惟惚  
理冥視聽之端是以峒山順風勞乎靡索汾陽御辯宵  
然白喪曠矣哉道之韞也其寄於察廓之場焉至於玉  
笈宜徽琅函吐秘方壺神闕蒙穀靈遊倏忽九陔導飛  
廉而從敦圉俯仰六合戴列星而乘雲氣固亦昭章逸  
軌盼嚮孤風淳化其瞭幽契無爽伏以 先妃含貞載  
德克懋瓊儀延慶台華正位 藩闈動容資於典禮發  
言光乎箴訓故紘縈是肅粲盛無違大當叶曜中闈以  
睦況倚閭分甘之澤徙居側陋之規義越人倫恩深振

古重以凝神道域抗志澄源淮館儀山叅鴻寶之靈術  
楚壇敷教暢微言之盛範儒元兼洞真俗兩該德冠母  
儀事高嬪則豈圖昊天不惠積善無徵咎罽奄鍾荼藜  
俄集訓等痛纏過隙感切風枝泣血攀號自期顛殞祗  
奉嚴訓慈勉備隆偷存視息適移氣序凡筵寂奠  
瞻望長違創巨徒深寄哀何地所以貪建餘漏祈福元  
宗敬寫真容庶幾終古而土木非可久之致鎔鑄爲誨  
盜之先肅奉冲規圖輝貞質睟容伊穆元儀有焯金  
真摛輝疑金闕之易奔琳華揚彩若琳房之可觀霓裳  
交映歛駕斯畱帝晨飾翠雲之美香童散朱陵之馥載  
彫爰敷式展口祈以此勝因上資神理伏願栖真碧落  
飛步黃庭謁羣帝於天關擣列仙於雲路融心懸解宅  
美希夷注儀隣以洞煥指乾坤而齊極介茲多祉藩  
度惟隆如山作固永播熊章之烈循咳自勸冀申烏鳥  
之志孔明在鑒匪曰道遐昌言噪口庶斯無拔昔人銜  
哀凶極鈔槩騰聲柔紛克劭義切張憑之誅至德興思  
痛深陸機之賦况清輝懋範宛若前蹤瞻言景行敢忘  
刊紀餘魂弱喘情不逮文謹託真猷直書心事音儀日  
遠風烈空傳叨心感慕終天何及

咸通十一年歲次庚寅七月辛亥朔十一日辛酉鄭

承規奉命書

右碧落碑在絳州龍興宮宮有碧落尊像篆文刻其背故世傳爲碧落碑據李璿之以爲陳惟玉書李漢以爲黃公譔書莫知孰是洛中紀異云碑文成而未刻有二道士來請刻之閉戶三日不聞人聲人怪而破戶有二白鴿飛去而篆刻宛然此說尤怪世多不信也碑文言有唐五十三祀龍集敦牂乃高宗總章三年歲在庚午也又云哀子李訓誼譔爲妣妃造石像按唐書韓王元嘉有子訓誼譔而無譔又有幼子訥元嘉以則天垂拱四年見殺在總章三年後十八年有子訥不足怪而不應無譔蓋史官之闕也

錄

右唐碧落碑大篆書其詞則唐宗室黃公譔所述或云陳惟玉書或云譔自書皆莫可知李肇及李漢並言李陽冰見此碑裴徊數日不去又言陽冰自恨其不如以槌擊之今缺處是也此說恐不然陽冰嘗自述其書以謂斯翁之後直至小生於他人書蓋未嘗有所推許唐人以大篆當時罕見故妄有稱說耳其實筆法不及陽冰遠甚也

金石錄

絳州有碑篆字與古文不同頗爲怪異

金石文字記云絳州有咸

通十一年鄭承規釋文但篆文  
難通者頗多而翻刻復多舛誤

下數日不能去驗其文是唐初不載書者姓名碑上

有碧落二字人謂之碧落碑

李肇國史補

碧落篆李肇得觀中石記爲陳惟玉書字奇古行筆

精絕不類世篆學而惟玉于唐無書名于世不應一

碑便能到古人絕處李陽冰于書未嘗許人至愛其

書寢臥于下數日不能去段成式謂碑有碧落字故

以名之李肇謂碑在碧落觀故名李漢謂終于碧落

字而得名余至絳州龍興宮考其記知舊爲碧落觀

又篆文若未畢者終非碧落字則肇說是也其云有

唐五十三禩龍集敦咩永叔謂高宗總章三歲以唐

歷攷之實咸亨元年總章者誤也絳州碧落篆刻

天尊背州將不欲以槌擊石像迺摹別石因封其舊

石像今世所得皆摹本也雖橫直圓方典型有稽然

遁其神者衆矣段成式言樊宗師作誌令陳惟玉立

太行山上此言險怪難知豈嘗求得其當而妄戲哉

世言字不攷古甚則以品爲鄰今于古文數字正如

此便知後世不識古字而妄議者可以歎也

廣川書跋

絳州碧落碑唐高宗咸亨元年庚午歲韓王元嘉之

子訓等爲其妣房氏造碧落天尊像于龍興宮而刻

筆文于背故以名碑然不知何人書據李璿之玉京  
 宮記以為陳惟玉李漢黃公記以為李訓弟誤殆莫  
 能定而翠岩龔聖予則又以為宗室瓘豈或有所攷  
 耶吳叡張天雨讀口為喧為躍者非當以釋文鄰字  
 為是俞希盧辨叨作叩亦夫篆而釋文則又訛矣蓋  
 此雜出于鐘鼎篆籀諸文其亦曼曼乎難知哉休從  
 水人說文中音乃歷反溺則音奴弔反釋文今借休  
 為溺亦恐非本字之義而其他可疑者甚眾放禮之  
 兀未暇及之姑識其後侯博雅君子正焉鑿坡集  
 余不解篆書然於此碑則絕愛之其筆法有數字與  
 常篆不同亦稍怪三乍觀之彷彿石鼓文第字形稍  
 長耳雙白鶴事良涉誕妄然世間怪事固有彼時有  
 如此篆乎不應無聞亦不應祇書此一碑傳疑可也

書畫  
跋跋

碧落碑其文曰有唐五十三禩龍集敦牂歐公謂為

高宗總章三年董道謂為咸亨元年按總章三年三

月始改成亨耳石墨  
鐫華

唐韓王元嘉絳澤二州皆有子黃公為妣妃薦祀作

文立石以表孝誠文雖不同而俱名曰碧落在絳州

者刊於天尊之背在澤州者立于佛龕之西五總  
志

碧落碑篆書韓王元嘉四男為母房太妃立碑云有  
 唐五十三祀龍集敦牂則咸亨元年也唐書言垂拱  
 中元嘉徙絳州刺史與此不合今在絳州有咸通  
 十一年鄭承規釋文但篆文難通者頗多而翻刻復  
 多舛誤如淮館儀僊釋僊為山貪逮餘漏釋逮為建  
 注儀鄰以同煥釋同為洞在書心事釋書為言敬心  
 感慕釋敬為叨拉誤敬古叩字出周禮宋謝靈運山  
 居賦卷敬軀之逸曲感江南之哀歎用此字此碑用  
 粵若稽古作乚託字作佺宋韓佺胄字本此金石文  
 篆書三代尙矣下訖秦絕矣世傳三代遺跡皆屬贗  
 作獨岐陽石鼓文彝器款識為真卽字畫不必盡識

而古雅無前望而可辯此碑獨以怪異與人以不可  
 解所以有肩戶化鴿之說而點畫形象結體命意雜  
 亂不理其高處不能遠追上古下者已墮近代惡趣  
 如村學究教小兒角險字凡俗可厭定為惟玉輩書  
 無疑唐人於八分尙不能造極况古篆乎後人懾於  
 傳聞之異眩然莫辯遂不敢輕加評駁不知李陽冰  
 之慕習非為盲瞽定屬謬傳曷足據為斷案耶釋文  
 雖非至者反不失唐人氣格但作字潦倒未稱此石  
 無足沐論獨恨不能起元美于九原而與之上下其

議爲之惘惘

金石史

元嘉六年碑止列四舊唐書稱穎川王訓早卒新唐

書又稱上黨公諶早卒彼此互異蓋流傳誤耳

竹雲題跋

劉太乙金石續錄云按唐書韓王好學藏書萬卷皆

以古文字參定異同子諤封黃公工辭章孟利貞嘗

稱其文曰劉隣之張思茂不是過也家書甚多皆文

句詳正秘府所不及据此則謂碑爲謬書理或然也

金石存

董道廣川書跋云段成式謂碑有碧落字故名李肇

謂碑在碧落觀然考之國史補則肇正謂碑有碧落

字耳李漢又謂碑終於碧落字董道駁其非今以篆

文驗之僅有棲真碧落一語旣非全文結束亦非文

中要語攷古人詩文字迹舉一行首標目者有之無

以末字目全文者其謬益不待言歐陽公集古錄謂

龍興宮有碧落尊像篆文刻其背宋潛溪亦云唐高

宗咸亨元年庚午歲韓王元嘉子訓等爲其妣妃房

氏造碧落天尊像於龍興宮而刻文于背董廣川則

謂嘗親至絳州龍興宮攷其記知爲碧落觀今以篆

文驗之但云立大道天尊建侍真像無所謂碧落天

尊者疑廣川所云碑在碧落觀而龍興舊爲碧落者



爲得其實此碧落之所由名也廣川又謂州將不欲以槌擊石像背乃募別石今所傳皆摹本而五總志謂絳澤三州皆有韓王元嘉子黃公爲妣妃薦福作文立石文雖不同皆名碧落碑在絳州者刻於天尊之背在澤州者立於佛龕之西今以篆文驗之則云哀子李訓誼讓謀等銜恤在疚寘懷靡所永言報德思樹良因敬立大道天尊建侍真像又云敬守真容庶幾終古則刻文像背者近之州將募石事理所有顧其文不容有二則所云澤州傳刻者又不知出自何人也集古錄云李璿之以爲陳惟玉書李漢以爲黃公譔書趙明誠金石錄云其詞則宗室黃公譔所述或云陳惟玉書或云譔自書廣川疑惟玉唐無書名不應一碑便奄有秦漢遺文到古人絕妙處宋潛溪又謂翠巖龔聖子以爲宗室權或有所攷終莫能定其何人而前人論書率歎其妙絕至謂李陽冰見而寢處其下數日不能去又言陽冰自恨其不如以槌擊之今缺處卽是子謂前說本歐陽信本觀索靖碑語附益之後說鄙謬不足辨趙明誠謂唐人大篆少見故妄有稱說似得其隱然其文亦不純用籀文故周伯琦疑其雜出諸體而李西涯亟取其說愚謂

自漢以來隸草盛行篆法惟習說文解字古文籀書  
幾於中絕所傳陽冰二徐及夢英輩大率皆嶧山一  
種以勻圓齊整爲上不知古人繁簡參差惟意所適  
按之石鼓及夏周以來器物款識尙可推其遺意此  
碑超出相斯窠臼筆法亦自深穩意訓讓弟兄皆振  
奇好古之士雜取籀文兼及小篆加以詭辭標置駭  
動世俗如道士白鶴神異故有名當代爾

汪由敦松泉文集

右李訓等造大道天尊像記世所稱碧落碑也篆書  
奇古小儒咋舌不能讀賴有鄭承規釋文稍可句讀  
至其假借之原好古者猶或昧焉有以聲相轉而借

者寧之爲空凭之爲伏厝

古文

之爲廉是也有以同

音相借者顛爲之宣顛之爲規瓊之爲柔是也有以  
偏傍相同而借者埤之爲敦櫛之爲端深琛之爲深  
塵之爲纏號之爲號璫之爲維齧之爲烈窾之爲誠  
術之爲同壤之爲度禮之爲猷柯之爲何是也休本  
沈溺字故借爲強弱之弱閏本日陶字故借爲元妙  
之元彭本畚吝字故借爲文章之文廣疋筵丙皆訓  
席故以迺爲筵觀見周禮颯會見石鼓文彼見漢書  
甯祿懲桌典舟稟戶之爲古文繁戴驢之爲籀文皆  
見於說文畧舉一隅亦足見古人精於小學非不知

而妄作也。碧落碑釋文咸通十一年鄭承規所書距造像時已二百年矣。承規書名不甚著而楷法道整釋文未審即出承規之手或別有傳授否要非精研六書博涉古今者不能辨也。自宋以來篆書家奉此釋為金科玉律莫敢易一字。顧寧人始糾其誤者數字然如直書心事句碑本釋為書而顧謂其誤釋為言則又太不檢照矣。予習是碑有年乃覺承規所釋尚有未當者而前人皆未及舉。正如瓊瑛鄭釋為瓊儀攷說文本有瓊字讀若柔从玉變聲與孫同。說文有變字無柔字故瓊有柔音不當釋為瓊也。噪聞鄭釋為

噪聞按玉等噪古弔切聲也亦作叫又嗅五弔切叫也。噪與嗅皆叫之異文不當釋為噪也。中逮字兩見鄭前釋為逮後釋為建並誤。按說文逮古文及字碑前云敬立大道天尊逮侍真像後云貪逮餘漏皆當釋為及。宋書范蔚宗徐湛之兩傳竝有貪及視息之語則貪及二字固有本矣。鄭謂為逮顧讀為逮所謂楚失而齊亦未為得也。潘研堂金石文跋尾

此碑書體不必純用小篆然其用字結體偏旁假借多有根据即以說文解字校之如唐之作古文唐易古文三言之作古文从言之德之作古文从

惠又作惠德从惠聲古敬之作敬敬从苟古文苟及

之作謙古文及作謙案下文玉笈作謙疑亦用此此

古之作鬪古文古遂之作遂古文遂得之作得古文

成之作成古文成表之作表古文表从勞之作勞

御之作御古文御从又从馬皆作御曠之作曠

案下文飛步黃庭黃字亦用古文神之作神古文示

克之作克古文籛如此籛大籛也案克之作克古文

光之作光古文光肅之作肅古文肅从違之作違違从

古文韋徙之作徙古文徙實之作實古文實省圖之

作暈古文暈作暈案暈音也微之作微古文微枝之

作精枝从支聲古嚴之作嚴古文備備之作備古文備

終之作終古文終致之作致致从至聲古揚之作揚古

揚之作朱朱之作朱朱純赤也虞書丹朱字如此从系朱

之朱本當上之作上古文上步之作步古文步作步案

此字如羣之作羣羣从君聲古文帝之作帝古文帝作

篆文皆从一雲之作雲古文宅之作宅古文宅指之

古文清之作清清从青聲古敢之作敢古文敢文之

作彰古文吝作吝从彰聲也文錯畫也二真之

字義同古文吝从彰得聲故借咎為文



禮作慧豐行禮之器也禮履 案盛作闕 歲屋所容受也盛盛黍稷

在器中以側 眇作厖 厖日在西方時敷 敷教作專 專布

也過隙作京 京隙際見之光也迺 迺移作迺 迺相移倚也

餘漏作扇 扇屋穿水下也漏以銅敬 敬寫作敬 敬肅也

勝因作困 困拊就也因就也案拊从手因聲今从𠂔者

中作𠂔 𠂔篆文从手攴攴故此字以𠂔代手上住儀作

𠂔𠂔 𠂔立也讀若樹案此字義當作𠂔 𠂔馬部駐馬立也

樹立也讀若駐取部豎立也是𠂔 樹駐𠂔 𠂔住豎六字

聲義皆同說文無住字郭璞方言注云𠂔 𠂔古住字則

注當作𠂔 𠂔止也亦有立義𠂔 𠂔豎並同煥作𠂔 𠂔通

街也同柔 紛作𠂔 𠂔錄鐵之與也謹託作侏 侏寄也此

假借之聲義皆同者也惟忽作𠂔 𠂔也按釋文作𠂔 俗

字矣哉作𠂔 𠂔傷也哉靈 旂作𠂔 𠂔玉事神或从巫作

靈柔儀作𠂔 𠂔玉也讀若柔按釋恩 深作𠂔 𠂔藻蒲弱

深水出桂陽南痛纏作𠂔 𠂔居纏繞也攀 號作𠂔 𠂔

號土登也讀寂 寞作𠂔 𠂔北方流沙也一曰清也庶

若鎬號呼也幾 幾作𠂔 𠂔幾繼也說事之樂冲 規作𠂔 𠂔氣虛也老

用之冲涌搖也讀若動案上文冲用字當作𠂔 亦

假借字彫 彫作𠂔 𠂔類小頭類類也講若規規有法度也載

彫𠂔 𠂔設餌也讀式 展作𠂔 𠂔也𠂔 𠂔轉也碧 落作

並同烈亦从列得聲故此借用何及作𠂔 𠂔書曰盡執

柯何也此聲同之假借也敦牂作嶽嶽重聚也敦怒也詆也一日誰

何之端作喘喘筆也一日喘度也一日劉喘喘作休也喘直也喘物初生之題也

休沒也弱撓也上象撓曲多象毛麓撓弱也弱物并故从二弱案說文瀾為水名休訓為沒即沈弱之瀾

借為強弱字此聲近之假借也伏以作凭凭依几也周書凭玉

讀若馮空傳作空空空也空窟也此又義近聲近而假借也

惟文中𠄎字本古文東借為不惠致字本古文奏借

為伏願於義於聲殊難通轉皆所未詳餘如甌字登

於周禮莧字載於潛虛𠄎字見於召鼎臚字隲字見

於石鼓文𠄎字見於秦刻石才在又有諸字雜出鐘

鼎銘款求之於古皆可徵信不得以尋常古篆例視

之也嚮來著錄家攷之未盡為廣其說如此錢制

按碑凡六百三十字闕者四字文皆古籀不易讀

咸通十一年鄭承規用正書釋文刻石於旁然後

可讀然承規稱奉命書命字空一格不知奉何人

之命也碑云有唐五十三祀龍集敦牂哀子李訓

誼謨甚銜恤在疚寘懷靡所云云唐自武德元年

至咸亨元年得五十三年是年庚午太歲在午日

敦牂也是年三月改元碑無年號月日不知其為

咸亨抑尚是總章也訓誼謨甚皆韓王元嘉之子

居母喪造像祈福而自稱哀子此後世母喪稱哀

子之緣起也韓王元嘉高祖第十一子新唐書元  
嘉傳稱其有六子下列名只訓誼諶誤訥五人宗  
室世系表亦只訓誼諶誤訥五人內諶誤次第表  
與傳倒五今表與碑合則傳誤也舊史傳稱元嘉  
長子訓高祖時封潁川王早卒次子誼封武陵王  
官至濮州刺史天后臨朝將誅戮宗室不附己者  
元嘉大懼與其子通州刺史黃公譔謀起兵不成  
坐誅神龍初封其第五子訥爲嗣韓王舊傳止此  
四人諶不與焉新書傳則云訓潁川王誼武陵王  
諶上黨公蚤卒誤黃公又云諶通音律歷杭州別  
駕與譔俱死神龍初第五子訥嗣据集古錄以爲  
唐書韓王元嘉有子訓誼誤而無諶蓋史官之闕  
於是歐陽公按唐書乃補諶語於傳也然歐公旣  
謂舊史無諶爲史官之闕何以新書稱元嘉六子  
所叙又只五子曰旣云諶上黨公早卒矣而又云  
諶與譔俱死似係同爲武后所害者所未詳也頗  
疑蚤卒二字當在誼武陵王之下誤書於諶上黨  
公下耳訓生於貞觀年至咸亨元年造像立碑時  
約三十歲則舊傳稱早卒者亦非也特在垂拱被  
害時不見有訓且不見有誼則已先卒矣兩唐書



傳但載元嘉母爲昭儀宇文氏而不及元嘉之妃  
某氏碑又但稱先妃不詳其姓据鑿坡集跋謂爲  
房氏因考唐書房元齡傳云貞觀十五年女爲韓  
王妃男遺愛尙高陽公主乃知房氏卽元齡女也  
韓王以貞觀十五年册妃則訓之封潁川王當在  
高宗時舊史稱高祖時者亦誤也訓爲母造像而  
云土木非可久之致是不爲雕素也鎔鑄爲誨盜  
之先是不爲範金也爾奉沖規圖輝貞質沖規空  
一格與前祇奉嚴訓同例當亦承其父命爲之貞  
質者貞石之質則天尊爲石像也詳玩下文有睥

容伊穆元儀有焯清輝懋範宛若前縱之語似乎  
其母像亦刻石侍于天尊之側者自成亨元年造  
像刻記至咸通十一年釋文刻石相距二百十年  
不知何以忽有此釋文之刻據元嘉傳稱神龍初  
復爵土以第五子訥嗣傳至孫焯建中中改王鄆  
後懿宗以鄆王卽位復改嗣韓王懿宗建號咸通  
此碑殆以韓王復嗣而追崇其先祖之功德及於  
遺碑因加以釋文也舊傳稱元嘉少好學聚書至  
萬卷又採碑文古跡多得異本及與其子讓坐誅  
籍沒讓父子書籍最多皆文句詳定秘閣所不及

新傳稱元嘉藏書皆以古文字參定同異譔工爲  
 辭章孟利貞嘗稱其文曰劉麟之周思茂不是過  
 也則以此碑爲謬所撰書理或有之或文前列四  
 子名中稱訓等痛纏過陳云云無誤爲文之據則  
 亦付之臆度而已有唐一代篆書碑無多碧落碑  
 尤爲有名宋初郭忠恕所以編入汗簡今取碑文  
 與汗簡參較汗簡筆法皆得籀文遺意此碑筆畫  
 皆易以方整全非籀文面目至其文字之不同者  
 如思樹良因碑文思作思良作良汗簡思作思良  
 作思惟恍惟忽碑文忽作忽汗簡作思寄於忽廓  
 之場碑文於作發廓作廳汗簡於作發廓作廳玉  
 笈宣徽碑文宣作宣汗簡作宣淳化其瞭碑文其  
 作奠汗簡作奠先妃碑文先作橫汗簡作袞克懋  
 瓊儀碑文瓊作瓊汗簡作瓊潛研跋謂瓊以同音  
 借爲柔字不當釋爲瓊然汗簡已作瓊字動容資  
 於典禮碑文資作資汗簡作資恩深振古碑文深  
 作深汗簡作深抗志澄源碑文源作源汗簡作源  
 儒元兼洞碑文儒作儒汗簡作儒真俗兩該碑文  
 俗作社汗簡作社茶蓼俄集碑文俄作俄汗簡作  
 懇痛纏過隙碑文隙作京汗簡作京所以貪及餘

漏碑文貪作先文爲𦉳汗簡亦作𦉳皆先字釋文  
誤作貪字祈福元宗碑文祈作祈汗簡作漚海盜  
之先碑文盜作𦉳汗簡作𦉳醉容伊穆碑文伊作  
𦉳汗簡作𦉳攜列仙於雲路碑文仙作𦉳汗簡作  
𦉳融心懸解碑文融作𦉳汗簡作𦉳永播熊章之  
烈碑文播作𦉳汗簡作𦉳冀申烏烏之志碑文烏  
作𦉳汗簡作𦉳終天何及碑文何作𦉳汗簡作𦉳  
蓋碑文重摹汗簡翻刻恐彼此各有筆畫舛異不  
能定其孰是也

